

YENA YALI TEÑI KU MINA



Ni tumezi, Muzwale Neville. Mulena aku fuyole.

Halu yemeñi ona cwalo fa nako nyana kwa tapelo. Halu inamiseni litho zaluna cwale. Mi kaufela baba tabela kuhupulwa mwa tapelo ye, ha mu nanule mazoho a mina mubulele kuli, “Mulimu, ki na.”

² Mulimu ya Kenile Kufitisa mi ya Sishemo, lutisa sicaba se fapila Hao, hamoho ni likupo zeo banani. Ba kupile kuli ba hupulwe. Mi, Mulena, ni lizoho laka li nanuhile ni lona. Ni Ku lapela kuli ube ni makeke ku luna. Wena uziba kutokwa kwa luna, mi lwa lapela, sina Mo lu lutezi kulapela kuli, “Kutahe Mubuso wa hao. Tato ya hao iezwe mwa lifasi, sina mo iezezwa kwa Lihalimu.” Ndate, lu kupa sishemo busihu bwa kaceny, kwa tukuluho ya Moya, kuli lukone kutisa Niti ya Evangeli kwa sicaba, ni se lu lumela kuba lona Liñusa la hola le, kwa Keleke ya Hao. Mulena, lu lapela kuli lu be siemba sa Keleke ye lukela kuzibwa mwa mazazi a maungulo! Ndate, haiba ha lu siemba sani, konakuli patulula ku luna se lu lukela kueza fakuli lube siemba sani. Mi aku lufe sishemo, mata, mwa hola ya muliko ye ye li fahalimwa lifasi fo lupila fa. Aku lufe kwa Moya wa Hao o Kenile, ku lu etelela ni ku lu zamaisa, kuli kwa mafelelezo lute lukone, kwa maungulo, kutaha ku Wena mwa kozo, kwa Bupilo Bobusafeli bwani ili bo balumeli kaufela ba libelezi haisamba lifasi litomwa kwa makalelo a nako. Lu tuse, Mulena. Lwa kupa ka Libizo la Jesu. Amen.

Mwakona kuina.

³ Luli ni ya tabezi luli ka lithonolo la kuba mo busihu boo—busihu boo, ni ka sishemo sa Mulimu sesi filwe ku luna ka Jesu.

⁴ Mi hape ni ka—ka Liñusa la kakusasana kacenu, cwale, Ni bata kuil mañi ni mañi mu utwisise handende. Cwale, Ni sepa ku Mulimu kuli haiba nako yeo. Mwabona? Kono haili Liñusa ki la niti. Liñusa ki la niti. Likaba cwalo, ku kaba cwalo nako yeñwi, haiba ye hakiyona nako yani. Mane ibonahala luli inge kuli seli nako yateni, kufita ha Ni ikutwa inge Paulusi wa kale, yana bulezi kuli, “Ha ni si ka swabela ku mi patululela Mulao kaufela,” mwabona, lika kaufela ze lukela kuezahala.

⁵ Kubile nto iliñwi ye Ni ezize kakusasana kacenu, yeo Ni ikutwa kuswaba ha Ni ibulezi. Ne—Ne ni bulezi muzwale fa libizo zeo Ni nahana kuli ki mafosisa. Ne ni sa lukeli kueza cwalo. Ha ni pundangi libizo la mutu; mi haiba tepu iwela mwa mazoho a hae. Mi Ni bata ku mubona ni kubulela ni yena, kakuli Ni nahana kuli muzwale, ki muuna yomutuna, muuna yomunde ya kutalize ona fa katala fa, Muzwale David duPlessis. Mi Ne ni sa bati kubiza libizo la hae. Ne ni bilaela ka Liñusa, ni zeñwi

cwalo, kaza kuli haiba ye ki yona nako yateni, mi se Ni punda libizo la muzwale. Hani ezangi cwalo. Mu ni swalele Ni ezize cwalo. Na mu lata Muzwale David duPlessis. Ki muzwale wa luna, mi Ni—Ni nahana kuli muuna ya talifile cwalo ulukela ku etelwa hande mwa Mañolo.

Na mi bulelela seo sili sona. Ki, ngambolo yeo David ni Na nelunani . . .

⁶ Na kile a ni kutaleza kwateni hañwi mwahala mikopano. Na kutalize ka fa katala fa, kamba kwa keleke, ona kwani kwa katala. Mi muzwale wa hae, Justus, neli mutolki waka mwani kwa South Africa, ko Ni ka kutela. Mi ba zwa mwa lubasi lolunde, wa lapa la si Pentekota, ki mutu yomunde hakalo. David nali, Na lumela, muina sipula, nako yeñwi, wa ba World Pentecostal Assemblies, mi ki kwa Pentecostal World Conference. Nali alimuñwi wa bo muina sipula. Mi kasamulaho ataha kwa United States mi ato yaha teñi, kwani kwa Texas, ni Muzwale Gordon Lindsay, mi akala ku kutaza mwahala libaka ze shutana.

⁷ Kono sika sateni, fo Ni sepa kuli muzwale wa luna yomunde fa na ezize mafosisa; sina Nina hanikona ku fosa, kamba mutu usili kaufela; na kalile ku sebelisana ni ze pahami pahami. Akala kubulela ka za Princeton University ni libaka zene mu memanga, ka kunahana kuli na sweli kueza se si lukile, mi nasweli kucela lico mwa mushini; mwabona, ni ku nyakalala ko ku cwalo!

Mi ha ki seo fela, kono Baana ba Pisinisi ya Evangeli Yetezi, bona baba tusanga mikopano yaka, lifa loote—kolikuwa. Mwabona? Na—Na ba lata baana bani, mwabona, kono ha Ni lumelela ni bona ka milao yeba—yeba—yeba na . . . Ba se—ba se bazwile kwa, milao ya bona, ba kalile, mi cwale se ba bile fela sina kopano isili kaufela kamba sika sifi kaufela. Mwabona? Mi taba yateni, ha ba sa siyala bali mapentekota, kono basweli kulika kukopanya mapentekota ni babañwi kaufela hamoho.

⁸ Mi kubonahala kuna kuli Muzwale duPlessis, muuna yomunde, handende sina yena, na lukela kuziba hande Mañolo kuli ha bona mwalyanjo ya lobezi ya lika kuleka Oli, ki nako ye felile. Mwabona? Muhupule, ha na tile ku to leka Oli, nekusina Oli yene siyezi. Ao kona Mañoli. Mi ki hali, “Amu lufe kwa Oli ya mina,” kwa Keleke, kono na si ka I amuhela. Wakona kutula tula mwahalimu ni fafasi, kubulela ka malimi, ni likamañi kaufela, kono, kuya ka Linzwi la Mulimu Fela, na si ka I amuhela. Mi aba kwande mwa lififi la kwande; mi babañwi neba sweli kulila, kubokolola, ni kukweca meeno, fani Munyaliwa ya ketilwe ha na ile. Ya—ya butali mwalyanjo yena nana ni Oli mwa lambi.

⁹ Cwale, Na—Na ziba muuna usili, nto yene ezahalile zazi leliñwi nyana fa. Ki sikamañi, ki batu babande bani, mwabona, baba nyana, mwa ziba se Ni talusa, kuba kuswalelela sicaba nyana. Mi taba yapili mwa ziba, ba ikutwa kuli ki Mulimu

yasweli kueza sani. Mi linako zeñata, yani ki diabulosi ya eza sani. Mwabona?

¹⁰ Jesu nabile ni kolo yakutaha fapila Heroda; Nabile ni kolo fapila babañata, mi neba bata kuitusisa Yena ku za ku iponahalisa fela. Mwabona?

Sani kona se ba sweli kulika kueza ku ba Pentekota. Pentekota izwile mwa lika zecwalo zani, kuli ibe yeshutana. “Mi sina kulube kwa sileze sa yona, ni nja kwa mataza a yona, kukutela mwateni hape,” mi cwale bainzi ni ba Katengo ka Swalisano. Mwabona? Ki nto yemaswe hahulu. Ki maswabisa.

¹¹ Mulimu u ni ezize kuba yomunyinyani mi ya ikokobelize, ili kuli Apatulule Niti ya Hae. Mwabona? Ha ni tabelangi kueza cwalo; hakuna malaiti a monyeha hahulu, mi hakuna za kuiponahaza ni kuikutwisisa kwa lifasi. Mutuhele ninge nzila hamoho ni babanyinyani baba kendilwe ba Mulena. Haluboneni nipile ni Linzwi.

¹² Cwale kubulela ka za Katengo ka Swalisano kakasweli kuikamnota ni kukopana ni Vatican. Mu lumela kuli bakona ku utwanela Linzwi nji? Bakona ku utwanela fa kopano, kono habakoni ku utwanela fa Linzwi. Mwabona? Yeo ki niti. Konakuli hakuna sika sa ku keshebisa. Mwabona? Ki kopano, kaufela zona za swana, lika kaufela za swana; ki kuzamaelela handende mwa sikuka, me ni mwana hae wa musizana. Kono ha li taha kwa Linzwi le, Ni ya lwanisa katata hahulu ba Methodist ni Baptist ni ba Presbyterian, sina mo Ni lwaniseza Bukatolika, kakuli ki me ni mwana hae wa musizana, kuya ka Linzwi le. Ki fa Linzwi le kona le Ni yema ka lona, mwabona, *Le*, Linzwi la Teni kaufela.

¹³ Cwale, muzwale yomunde yo, yena ni musala hae ki balikani baka hahulu luli. Buñata bwa mina mwa bonanga magazine, kuli muzwale yomunde yani, ya lumilwe ki Mulimu akone kutuhelela musala hae. . . Mutu yomuñwi na mu bulelezi kuli na bonahala inge Jacqueline Kennedy, mi a yo kuta milili ya hae ka mufuta usili wa buipiteli cwalo. Ki sikamañi seo? U fumanehanga ni batu ba mufuta o cwalo, ka nako kaufela, mi mafelelezo. . .

Muuna yomunde yanga musali ya maswe, ukona kuba musali yomunde kamba. . . Ni talusa, muuna yomunde ya ikungela musali ya maswe, ukona kufetuha kuba musali yomunde kamba yena uka fetuha kuba muuna ya maswe. Ni bonise balikani ba hao, Ni ka ku bulelela you li yena. Mwabona? Linyunywani za mafufa, lifufelanga hamoho. Muinele kwahule ni lika ze bonahala kubenya!

¹⁴ Ne ni keni mwa mukoti wa butale, zazi leliñwi, ku kambama mwa fahalimu a malundu mwa Arizona ni—ni mululwani wa Mexico. Muzwale Sothmann ni Na, yaliteni mo, nali teni kwani hamoho. Mi Na kena mwani na yo kata libunda nyana la. . . Ze ne bonahala inge gauda luli. Kono mo mu kona kuzibela fela kuli

ki gauda, ya benya hande kufita gauda. Ya benya. Mi kanti gauda yona ha ibenyangi, yona ya monyeha. Mwabona? Mi ibizwa kuli, ki “gauda ya likuba.” Mane ha i likani nahaiba licwe leli inzi ku yona. Ibozwa kuli iron pyrite. Na sepa, mwa—mwa . . . Basayansi ba bulela kuli mezi ni asidi yelota, ni lika zeñwi, ha li koni kui eza kuba yetiile ni kutaha mwa sibaka sa ku ipanga kuba gauda. Kacwalo ya—ya benya hande, kono haina mulyani otokwahala kuba mwahala yona.

Mi cwalo kona mo ba inezi babañata baba likanyisa kulumela mwa Bukreste mo ba inezi, mwabona, ika benya, mi sina Hollywood. Kono haili Keleke yona ya monyeha ni Evangeli.

¹⁵ Cwale, kezeli yomuñwi mo, Billy na ni bonisa fela, na bata fela kuyonga mutende wa ba *Life* magazine, siswaniso se, ni ku u patalaza, ka za Mangeloi asupa ani, ni ku ushimba ku ni lumela ona. Sani kona siswaniso. Mi cwale cwale muka lemuhfa, hane si sweli ku nanuha, kukutela mwahalimu cwalo, fani Mangeloi hana tisize Liñusa la Ona, neli mwa mufuta wa piramidi ya mundandwe o pahami; ona cwalo fela sene Ni mi bulelezi, likweli zetalu si sika ezahala kale, ka mo ne si ka ezahalela. Kana ki niti yeo? [Kopano ili, “Amen.”—Mu.]

Mi Lingeloi leli zibahala, ni mafufa a Lona kwa mukokoto kwa neku leliñwi, kwa mulaho, inge liinzi kwa mulaho, mwa hupula? Mi lali, “Nana ni toho ya Hae . . . inza taha ka lubilo cwana.” Kana ha muboni mafufa *fateni*? Mi ki lani Lingeloi *fateni*, ona cwalo fela mo ne ku bulelezwi.

¹⁶ Cwale, ki Mulimu fela yakona kueza cwalo. Bana ni siswaniso sesiliteni kwanu, hape, sa musali yana bulezi kuli . . . Linako zeñata, sicaba sili . . .

¹⁷ Mwahala li—li litemuho, kuli, “Mutu yo ukwahezwi ki muluti wa lifu, muluti omunsu.”

¹⁸ Cwale ba li, “Kihande, ubulelanga fela cwalo.” Mwabona, bani kona batu baba sakoni kuya musipili kaufela, habakoni kubona sani. Bakona kuhuwa ni mina, bakona ku—bakona ku ambola ni mina; kono cwale ha li taha kwa kulumela lika kaufela, kamukana moyo ni mubili, habakoni kueza cwalo.

Kacwalo, kono mwa bona, haiba Mulimu uteni mwa lika, ni kubulela Niti, ye ki nako ya maungulo mwa litaba za kale. Ye ki yona ya mafelelezo mwa litaba za kale za lifasi. Ki kukwala. Hakusana kuba nako ni hanyinyani, zazi leliñwi. Mulimu usweli kupaka lika kaufela, sibeli sa lika za moyo ni za sayansi.

¹⁹ Hane Ni bulezi kuli, mushimani nyana, “Siita sa Liseli, ne si bonahala inge naleli.”

²⁰ Ki babakai baba hupula, linako zakale, neba Si bizanga kuli “Naleli”? Hane Si bonahalezi kwa nuka kwanu, fani ha Na ize, “Sina Joani Mukolobezi, hana lumilwe . . .”

21 Cwale, ka kufeleleza, Sani sa taha fafasi, mi ni siswaniso sa Sona sa kopiwa. Ne lu banga ni silisiñwi mo, kokuñwi. Eehe, ba bulela kuli si inezi fa lilulu; Ha ni si boni. Kuya ka sayansi sipaka kuli yani ki Niti.

22 Mi cwale, ni kubulela kuli sicaba ne si “apesizwe ka muluti.” Cwale, ki yo muuna yanali fa, mwa siswaniso. Ki sani fani, sina kamita, inge fela siswaniso sifi kaufela; inge mutu hakuna kunga se, ka mushini. Ni li. . . Mutu nasweli kubilaela ka sona. Ni kubulela ku musali kuli, “U apesizwe muluti wa lifu, ni kansa. Kuna ni muluti o munsu.” Musali afetuha ni kunga siswaniso. Musali ubile mo kwa kufa bupaki, mi mwendi hakulata uteni mo busihu bo, kuya ka mo Ni zibela. Mwabona?

Cwale, ki *yani* musali yana ni sika sesi swana sina sa ku apesa kwa toho se sinsu. Ku lukile, cwale, yani bwani kona bupaki bwa sayansi kuli yani kona niti. Mi kapili fela musali amano bulelelwa kuli u “iketile,” ba kopa siswaniso, mi ne si siyo teni. Ki sikamañi sene si natile fa liito la kamera? Mi kiñi sene si zwile, sani ne si— ne si siyo fa liito la kamera ha na bulelelwa kuli u folile? Mwabona?

Cwale, ka kuyema fa, ne ni mi bulelezi kuli Mangeloi nasweli kutaha.

23 Muzwale Fred, kakuba yena. . . Ni boni Muzwale Fred fa nako nyana. Ne ni hupula kuli naliteni mo, kono Ni mu tondile kokuñwi. Oh, kwa mulaho kwanu, yeo ki niti. Na yemi ka—ka limaili zepeli, kamba maili ni hafu, kamba limaili zepeli, ni fo ne Ni yemi; na utwile kupanca, autwa macwe, ni lika zeñwi kaufela, hane li tima. Yeo ki niti, Muzwale Fred?

Mi nekuna ni ni Mangeloi ana ba lumeezi Liñusa. Mi mane ki se fa mwa mufuta wa piramidi, sina hane Ni mi bonisize mone sikabela mwahali mo, ne ni mi bulelezi mone A ka yemela, Ni si ka ya kale.

Siswaniso mwa mulaho wa siswaniso, mwahala naha kaufela, neba si swanisize, kuyo punya ni kwa Mexico, se si likana ni limaili ze mashumi amalalu mwa halimu ni limaili ze twenti sebene mwa bukima bwa sona. Mane ne si pahami hahulu kuli nekusina nihaiba mbundu kamba kutokwa ni sesiñwi sesikona. . . Mbundu ha i pahamangi kufitelela eiti kamba limaili ze naini, mwa halimu, kono ne li mwa sibaka se si sa koni kufumaneha mbundu. Mwabona? Mi se neli, Ni sepa kuli hakulata neli limaili ze twenti sebene mwa halimu ni limaili ze mashumi amalalu mwa bukima, kamba neli—ineli twenti- . . . kamba limaili ze mashumi amalalu mwa halimu ni limaili ze twenti sebene mwa bukima, iliñwi kamba yeñwi. Ba mutende wa *Life* magazine kona bene ba si swanisize, kamba ba *Look*. Neli bafi bani, *Look* kamba *Life*? *Life*, *Life* magazine. Ni sepa, ki tukiso, ya mwa Kandao kala 17. Yani ki yona.

²⁴ Cwale ki sani fani, kuya ka sayansi, ki bupaki bwa kuli ki Niti, kacwalo he ha—ha lu bilaeli kamba haiba ki Niti; sibeli sa sayansi, ni za moya, sene si bulezwi si tilo ezahala. Kacwalo, Liñusa la Maswayo Asupa, ka kukwala kwa ona, lani kona Liñusa la Bibele kaufela yona. Maswayo Asupa akwala Testamente Yenca ni ku swaya. Yeo ki niti. Cwale, lu ziba kuli sani ki sona, kuya ka kubulela ka sipolofita, ka sayansi, ni ka Linzwi. Zetalu lifile bupaki ku sona, kuli ki Niti.

²⁵ Kabakaleo, lu ziba kuli lu kwa nako ya maungulo. Ki luna ba fa. Hani zibi kuli lu kwahule cwani, Ha—Ha . . . Hana ku lumela kuli luziba zeo, kakuli Kutaha kwa Hae kukaba “sina lisholi mwahala busihu.” Balikani baka, muzwale waka, kezeli, ha lu beni fela baba itukisize, hakuna taba kamba ki sikamañi. Ha lu itukiseni fela kapili. Mwabona? Kakuli, lifasi lika ya lizwelapili ona cwalo. Habana kuziba mane kuli li ezahalile. Fo likwalo za sishemo hase li kwalilwe, bakutazi bakana ba kutaza puluso, ka—ka kueza kuli batu ba bake, lika zwelapili ona cwalo sina mo libezi kamita. Li ezize cwalo ni mwa masika amañwi, mi ne li ezize ni mwa . . . Lika eza ni mwa lusika loo.

Mi Kuungelwa kukaba hahulu kwa sipundumukela mi ka kuakufa kapili luli, kuli mane lifasi halina nihaiba ku ba tonda, kuli ba ile. Luli. Hakuna se ba ka ziba ka zona. Uka taha mi uto Mu picukisa ni kuya. Ukabe a ile, hakuna se ba ka ziba ka zona.

Konakuli, mube mwa litapelo. Mu ni lapelele. Ni ka mi lapelele. Halu zibi kuli hola yeo ki lili, kono lu lumela kuli ikaba cwanoñu. Mupile kwahule ni lika ze benya. Mupile ni Evangeli, mwabona, mupile ona koo cwale, mi mulapele.

²⁶ Cwale, Billy na ni ñolezi liñolo fa, ki kapampili ni taluse, mi ubulezi kuli kuna ni ya bata kuneela mbututu wa hae. Haiba kona cwalo, (ku cwalo?) mu nahule lizoho la mina, haiba yomuñwi . . . Eehe, limbututu zepeli. Ku lukile, amu mutise kwanu kapili. Mi Muzwale Neville . . . Mi ha Ni zibi haiba kezela luna fa piano wakona kutaha kwanu fa nako nyana, kwa kuneelwa kwa mbututu. Ha lu lati kusiya sika.

²⁷ Cwale, muhupule, ka nako ye kamuso busihu, haiba Mulena alata, Ni kaba mwa New York City. Mi luya kwani kwa mafulo a ndwa, ku yo “Iwana ndwa yende ya Tumelo.”

²⁸ Konakuli ona foo, kezeli, haiba wa itakaleza. Ona fo fa pata, mi Ni ka ba nanula. Eeni, ima. Ni itumezi. Mi cwale ki luna . . .

²⁹ Ki babakai babaka ni lapelele kwateni? [Kopano ili, “Amen.”—Mu.] Cwale, haiba Mulimu wa lata; mane, Na sepa Wa lata; la Sunda, biki ya . . . Haiba ku lukile ni Muzwale Neville. [Muzwale Neville uli, “Ki hande.”] La Sunda, biki, Ni ka kuta hape, mwa musipili waka kuliba Louisiana, ni kuyema nyana mwa mukopano kwani kwa keleke. [“Amen.”]

³⁰ Ni bata kuitumela ku mina kaufela kwa sishemo sa mina. Kalibe yana ni lumezi maswiti ani kafani, Na—Na itumela ka

sani. Hani zibi kuli kalibe yani neli mañi. Kuna ni yana ni lumezi sipongisi sa maswiti ni zeñwi zeswana inge ma pafu cwalo. Zani luli, neli zende luli. Ni kusi hahulu ka zona ona fa cwale, mi Ni—Ni itumezi. Mi mu nahana kuli lika zenyinyani zani ha litalusi lika zetuna nji? Lina ni taluso; ona tubyana totunyinyani. Ni zeñwi ze shutana zeli mwahala limpo za bona za lilato zani. Ne ni bonisa Billy Paul, ni kubafa, ni lika zeñwi. Ni—Ni li amuhezi, mwabona. Hamu zibi mo Ni bezi ya itumela ka zona! Mulimu ani fuyole. Ni ka lihupula, mwabona, kana kucwani he Yena mwa li hupulela. “Ona mo mu ezelize ku babanyinyani ba Ka bao, mu ezelize Na.” Mwabona? Cwale, sishemo sika boniswa haiba ki sishemo se si filwe.

³¹ Cwale, luna ni balikani babande babanyinyani kwanu. Kana mwa tabela . . . Ni bata kuli uine fo mi u opele kuli *Mu Ba Tise*, kasamulaho. Ku lukile, mina muzwale hamutahe kwanu fa muzuzu fela.

Mawi, ki yo fa wapili, ki meto a mubala amafubelu a sweli kuni talimela, ni lumenyo lolutuna, lo lunde. Musizana yomunyinyani, ki yena . . . [Bomahe bali, “Sharon Rose. Sharon Rose.”—Mu.] Sharon Rose, leo ki libizo lelituna kuna. [“Ne lu mu beile libizo, Muzwale Branham, la wa hao.”] La musizana waka yomunyinyani ya ikezi. [“Ne lu mufile libizo le mane asika pepwa kale, Muzwale Branham.”] Ne mu mufile lona asika pepwa kale. Hana ka pepwa musizana, ne muka mubeya libizo la Sharon Rose. [“Ne lu ziba kuli ikaba musizana. Nana ni kuba cwalo.”] Nana ni kuba cwalo. [“Sharon Rose Goodman.”]

Mwa ziba kana? Hani zibi haiba mwa ziba kamba nee; kambe musala ka na ka yema fa, na ka bata kuwelela mane. Ye ki ndelesi ya mufuta yana nani musizana waka yomunyinyani hana neelwa, Sharon Rose yomunyinyani. Yo ulukela kuba . . . Yo kwateni hapile; koo, Mulimu na ni ngezi waka.

Ki wena mañi libizo la mafelelezo? [Bomahe bali, “Goodman.”] Musala bo . . . Kana muzwa mwa muleneñi wo nji? [“Chicago.”] Chicago. Muzwale ni Kezeli Goodman, Mulimu aku fuyole.

Mwa ziba, Sharon waka yomunyinyani na bonahala ona cwana. Hani sepi kuli kuna ni yomukana mwahali mo ya hupula mwa nabonahalela. Nana ni meto amanyinyani a mafubelu sina cwalo, inge bo mahe, musizana yomunyinyani wa milili yeminsu. Neli fela . . .

Mbututu ukuma kai? [Bomahe bali, “Likweli zeketalizoho.”—Mu.] Likweli zeketalizoho. Neli wa likweli zeketalizoho ka zetalu Mulimu ha mu biza. Ne ni mu boni, kasamulaho nyana. Mwa ziba likande. [“Luna ni sona kwa lapa, fa tepu.”] Muna ni sona kwa malapa, ni fa tepu.

Sharon Rose izwelela mwa Linzwi. Ne ni li fetuzi, kuzwa, “kwa Rose wa Sharon.” Mi Na tokwa hanyinyani, wa bona, fa

katala ya Hae, kacwalo A munga. Mwabona? Mi Ni kaba ni yena hape. Mi cwale Sharon wa hao yomunyinyani a pile mwa lifasi. Mi ha yoba ni wena mwa Kanya, sina mo Ni ikutwela ka za Sharon waka yomunyinyani mwa ka bela ni na.

U ikutwa cwani? Mwabona? Mu bulela ka nto yenyinyani ya bulikani, mutalime yoo! Yena usweli fela kumenya.

Halu inamiseni litho za luna.

Mulimu Yomunde, sina ha Ni swala mupuzo omunyinyani wo, yali Sharon Rose yomunyinyani. Wa ziba pilu yaka, Mulena, se Ni sweli kunahana, konakuli ha Ni lukeli ku li bulela. Ku fuyolwe Mulena Mulimu Yena yafanga libyana zenyinyani ze kwa lipilu zaluna! Fuyola lapa la ba ha Goodman le. Mi cwale bashemi ha ba kutekiwe, ili mane ba kutekeha, fa kuba ni sibyana se si cwana mwa lapa. Ha pile mwa lapa la bona, Mulena. Mi haiba kuna ni kuba kamuso, mu eze kuba musali ya kutekeha kamuso.

Mi cwale, Mulena Mulimu, ka kuutwela so lu laezi Wena, ka mutala wa Hao, kuli lu eze, No nanuzi bana babanyinyani mwa mazoho a Hao ni ku ba fuyola, mi wali, “Mu tuhele bana babanyinyani ba tahe ku Na.” Mi ba tisa mbututu kuna, kakuba mutanga Hao, sina ha U bulezi kuli mutanga Hao azwiseze pili musebezi wa Hao. Mi fa kuyema batanga ba Hao, Muzwale Neville, ni Muzwale Capps, ni na. Mi cwale, Mulena Mulimu, kuzwa mwa mazoho a bo ndatahe ni bomahe, lu fa ku Wena Sharon Rose Goodman yomunyinyani, yo lu neela kwa bupilo bwa sebelezo, ka Libizo la Jesu Krete. Amen.

Mulimu aku fuyole! [Kezeli Goodman uli, “Muzwale Branham, lu sa na ni baba ketalizoho kwa lapa, basizana bababeli ni bashimani bababeli.”—Mu.] Banana baba ketalizoho, kwanda yo! [“Eeni.”] Ha ki munati! Mulimu aku fuyole, Muzwale Goodman. Mulimu aku fuyole, Kezeli Goodman. Mi Mulena a fuyole Sharon yomunyinyani yo!

Uikutwa cwani, muzwale? Cwale ha lu boneni, Ni—Ni. . . Arnett. [Bo ndatahe bali, “Arnett.”—Mu.] Arnett. Arnett, yeo ki niti. [“Mu mu file libizo la—mu mufile libizo la mina.”] Kana ki niti yeo? William, William Arnett? [“James William Arnett.”] James William Arnett. Yo ki mushimani yomunde. Mwa ziba, kuna ni lika zelunani ze swana, yena ni Na, kale kale; mabizo, mi lu kauhanya milili ya luna ka kuswana, mwa bona. Ki mushimani yomunde, Jimmy. Ni sepa kona mo no mu bizeza, James? [“James.”] James, kanti, ku lukile.

Ha ni zibi haiba Na kona ku mu swala? [“Wakona ku ku siya.”] Ha ni zibi. Cwale, Jimmy, kihande, luna lu balikani babande luli. Wa ziba cwalo, nji cwani? Ku lukile.

Ha lu inamiseni litho zaluna.

Mulena Mulimu, Wena u fuyozi lapa le, la baha Arnett ka mushimani yomunyinyani yo. Mi Ni lapela kuli Uka fuyola bo ndatahe, ni bomahe, balatiwa ba hae. Ki Bakreste. Kuli mane bo nadatahe ba ikatalize hahulu, ona likwai zani ni lika zeshutana, kuzwa . . . Zazi leliñwi ne ku utwahile kuli, “KISONA SA BULELA MULENA.” Na swana inge musali yana ikatalize kuli na bata kuyo fita kwani. Nihaike inge pisinisi ya hae ne i mu palelwa, ni lika kaufela ne li bonahala kupala, na sa ingile siemba sa masheleñi a hae ni ku libelela lipuzo mwa mulaho wa lipuzo za kubata musebezi, kufitela kakusasana omuñwi kwa ezahala. Na lumezi kuli ne ku ka ezahala.

Cwale utisa mushimani yomunyinyani yo Yo ba fuyozi ni yena, O Mulimu, muselo wa tamahano ya bona. Ni fuyola James William Arnett yomunyinyani yo, ka Libizo la Jesu Kreste. U mufe bupilo bobutelele. U mueze kuba muuna wa Evangelo ya Hao kamuso, haiba kuna ni kuba kamuso. Mi, ka kufeleleza, mwa Mubuso ona ni kutaha, halu yo ba kwani hamoho. Na . . . mutanga Hao, lu beya mazoho a luna ku yena ni ku muneela ku Jesu Kreste, kwa bupilo bwa sebelezo bo. Amen.

U fuyolwe. Mulimu aku fuyole, muzwale. Luna ni bababeli baba sa siyezi? Ba ki bona baba swana. Ku lukile.

Ni lumela kuli ubatile ku ni nanula, kufita kuli na ni ku nanule. Yo ki . . . [Muzwale Arnett uli, “Yani—yani ki Al.”—Mu.] Alfred, ni Al ni Martha. Mutuhele fela kopano, Ni tabela kuli ba bone bana. Na sepa, habali ba banyinyani, banana, ki babande.

Cwale ha lu ba beyeni mazoho a luna.

Ka mukwa oswana, Mulimu Yamata kaufela, luna batanga ba Hao, lu beya mazoho aluna fa bana ba, muzwale yomunyinyani ni kezeli ba mushimani yomunyinyani yo ya neezwi fa. Lu beya mazoho aluna ku bona kwa—kwa kuba neela, kuzwa ku boma ni bo nadate, kuya mwa mazoho a Jesu Kreste, kwa bupulo bwa sebelezo, ka Libizo la Jesu Kreste. Amen.

Mulimu ami fuyole, Al ni Martha. Kezeli, luli ki hande ku mi bona hande. Mulena abe ni mina.

Mutangana yo munyinyani yo, mawi, ki mushimani yomunde. Ne ni kamunanga milili yaka sina cwalo. Mwabona? Ki yena mañi libizo? [Bo nadatahe bali, “Terrell Keith Walker.”—Mu.] Ke- . . . [“Terrell Keith Walker.”] Herrell Keith Walker. Ha ki mushimani kwa bunde!

Na komoka, Ha ni zibi fela, mwabona. U ni talimela inge mwa kona kutalimela. Ha ni zibi kamba Na kona ku mu swala? [Mbututu wa bulela—Mu.] Kana kona cwalo, Keith? Oh, ki mushimani yomunde. Luli. Kana ha ki mushimani yomunde? Herrell. [Bo mahe bali, “Terrell.”] Herrell, Terrell Keith Walker.

Mulimu Yamata kaufela, kuzwa mwa mazoho a bashemi kuya mwa mazoho a Jesu Kreste, Terrell Keith Walker yomunyinyani, lu beya mazoho a luna ku yena ka ku mu neela ku Mulimu Yamata kaufela. Sina bo ndatahe ni bo mahe haba lakalize kuli mbututu yo ahulele mwa kalimelo ya Mulimu. Haiba kuna ni kuba kamuso, mu eze mutanga ya swanela kuneelwa kwa, kakuli luna batanga ba Hao lu beya mazoho a luna ku mbututu yo ni ku mu neela ku Mulena Jesu Kreste. Amen.

U fuyolwe, Muzwale Walker. Kana yo ki yena Kezeli Walker? [Kezeli Walker uli, “Eeni, sha.”—Mu.] Ki hande luli. Una ni mushimani yomunde, mi Mulimu aku fuyole.

[Muzwale Gramby uambola ni Muzwale Branham—Mu.] Ku lukile, sha. [Muzwale Gramby u zwelapili kubulela.] Eehe. [“Mi no mu lapelezi ha pepwa. Na pepilwe ni mitahali ye tiile. Mi wa mu lapelela, mi sani sa musiya ona fani.”] Yena musizana yomunyinyani yo, ki Muzwale Grimsley wa hesu. . . [Muzwale uli , “Gramby.”] Gramby. Ni—Ni swelil kukopanya zeo hamoho. Nina ni Muzwale Grimsley, Ni zwelapili kunahana kuli. . . Muzwale Gramby utisa musizana yomunyinyani yo. Mi ha na pepilwe, nana ni kutameha kwa sifateho sa hae. Mi Na mu lapelela, mi kutameha kwa musiya. Mi cwale ba bata ku lapela, kakuli. . . Kana bashemi ki Bakreste nji? [“Haki Bakreste.”] Ha ki Bakreste. Kono ba saba kuli moya o maswe uka shimba mwana, mi ba bata kuli uzwe.

Ha lu lapeleni.

Mulena Jesu, ku mwana yomunyinyani yo, sina ha yendamezi fa katala cwana. . . Ili, U bonisize sishemo, ka kuzusa sitombo mwa mulomo wa hae. Cwale moya o maswe uli kunga bupilo bwa mwana. Hakuna kukakanya kono Wena wakona kuitusisa musizana yo, ni kulela kueza cwalo, mi Satani usweli kulika kulyanganisa mulelo wani. Kabakaleo, lwa hanela Satani, ka Libizo la Jesu Kreste, kunga li—li zoho la hae ni yena kuzwa ku mwana yo; sina ha lu mufa ku Mulena Jesu Kreste, kwa kanya ya Mulimu. Amen.

Muzwale Gramby, wa lumela nji. Mwana ki yomunyinyani hahulu kuli abe ni tumelo, kono ku ka ezahala.

³² Na Mu lata. Mina bo? [Kopani ili, “Amen.”—Mu.] Ki yomunde.

Cwale, mañi ni mañi, Ni sepisize kuli busihu bo Ni ka zwa ka eiti seti, kacwalo seo si nifa hafu ya hola. Ha zibi cwale ka zeo. Mwendu nakona kuba ya liyeha nyana ku seo. Kono ki fo cwale. . .

³³ Ni tabile ka kubona Muzwale Dauch mo kakusasana cwana. Mi ha Ni zibi ko kuile baana babañwi; kono kakusasana wo, kambe Nina ni kolo nyana, nekuna ni muuna yana inezi kwa mulaho kwani, na swana hahulu ni yena. Se nili, “Ki ufi Muzwale

Dauch?” Na talima kwa mulaho ni kwa pata, mi Ne ni bata ku mufa libizo; mi Ne ni li ya swasehile hahulu mwa Liñusa. Mwa ziba, Muzwale Dauch, u bonahala fela inge mo ubezi kamita. Ni tabezi hahulu ku mubona mwa buino bwani.

³⁴ Fa nako nyana yefitile, Nibile ni ngambolo yetelele kuzwa kwa Tucson, ya ku mu lapelela hape, kuti sesiñwi si ezahalile ku yena. Muzwale Dauch u cwalo, Na sepa, ki nainte kamba nainte wani. Una ni myaha ye nainte ya kupepwa, Na lumela, kamba nainte wani. Mi mubili wa hao uya u fokola. Kono, “Ki matata amañata a wela ya lukile, kono Mulimu u mu lamulela ku ona kaufela.” Mi fokuñwi, mubili ha ufita fa sibaka fo upalelwa ku swalana hande hamoho, Ni ziba kuli u swalelezi kwa Lizoho. Niha ikaba libunda la mubu, Mulimu u sepisize ku uzusa hape, mwa mazazi a mafelelezo. Mi Ni itumela hahulu.

³⁵ Na hupula Muzwale Dauch, hana tile mwa lisa kwanu ku to kolobezwa ka Libizo la Jesu Kreste, mane nasina nihaiba litino kwanu za ku kolobezwa mwareni, na bata kuya ni hakuli cwalo. Mi Mulimu ubile ya nusa ku muuna yo. Munahane fela, una ni lilimo ze mashumi amabeli fahalimwa nako yana musepisize Mulimu. Mwabona? Haiba nji seo ha ki sishemo!

Mi usa beya, ka zazi leliñwi, nana ni butuku bwa pilu, pilu ne imukatata ha butuku, mwabona, fa halimwa sani. Mi kambe Mulimu na si ka folisa muuna yo ni ku mu zusa kuzwa fani kapili. Mi Na lumela, kuzwa nako yani, mualafi wa hae na sa shwile. Kana ku cwalo? Na utwis- . . . Eehe, kuti mane niheba mualafi, mualafi wa Mujuda yana—yana mu alafa, ni lika zeñwi, hane lu yemi mwa muyaho inza ambola ku na ka yena, mane sa timezi kale. Mwabona?

Mawi, li kuma kai, lilato la Hao ki le li tungile cwani, O Mulena! Lilato la Hao ki lelituna cwani!

³⁶ Cwale, luna ni litaulo fa ze lu ka lapelela, mwa nako nyana fela. Kono Ni ka bulela nyana fa tumelo, mi lu ka bona mwa ka etelela Mulena, se luka eza kuzwa fo kuya kwapili. Kihande, ha lu li siyeni fela ku Yena, yani kona nzila yende. Oh, ka kuina hamoho mwa libaka za Mahalimu!

³⁷ Ne ni ambola kwa balikani baka babañwi, kacenu, kasamulaho Ni ma no kuta kwa Blue Boar kwani. Mi se Nili, “Mukaba teni mwa sebelezo?”

³⁸ “Eeni.”

³⁹ Se nili, “Mukaba ni kukoboca kufitela twelufu kamba wani kiloko.” Ba kulubela kufita kwa malapa ka sikisi kakusasana, ki musipili omutelele ki kwahule. Muhupule, ki batu, mi ba katala sina na. Linzila za mwa Tennessee, ni libaka zani, kona ko baya. Mulena aba fuyole.

⁴⁰ Kuna ni lika zeñata hahulu ze Ni kona kubulela; Ni ka feza fela nako kaufela. Kono Hani—Hani mi bonangi fa ni fa, mi Ni—

Ni—Ni lata fela kuambola ku mina, sina mo kuinezi. Kono haiba ha Ni mi buleleli kaufela ze Ni nahana ka mina, fa, . . . Mwaboa?

Ni bata kubulelela muzwale bani. Babañwi ba kubona ba lukuluzi likeleze zabona.

⁴¹ Muzwale Jackson, kwu kakusasana cwana, ufile toloko yende yani ya—ya lulimo lusili lwana bulezi muzwale yomuñwi, ni kubonahalisa kamba kupaka kuli Yani neli Mulimu. Kana mu lemihihile, Na si ka bulela kuli Ne ku si ka fosahala, Na si ka bulela kuli Ne kusi cwalo; Na file fela temuso kuli muteeleze. Mwabona? Mwabona? Kacwla, Muzwale Junior na liteni kakusasana wo, mi a lukulula keleke ya hae.

Mi Ni utwisisa kuli babañwi ba muzwale kuzwa kwa . . . likeleke zeñwi, kuzwa kwanu kwa Sellersburg.

⁴² Mi—mi Muzwale Ruddell, nali teni mi kakusasana kacenu. Ha Ni zibi kamba bateni mo busihu bo kamba nee. Ku lukile, mo hape busihu bo! Kihande, Mulena ami fuyole, Muzwale Ruddell. Mi mina . . .

Hani koni fela ku si bulela, se Ni nahana fela. Kono mwendi . . . Kihande, ha lu ka yo silela mwabuse kwa neku leliñwi, Ni bata ku yoina fafasi ni mina lilimo ze teni sauzande, siemba sa zona, mwa bona. Mi, mwabona, lu ka yo feza lingambolo kaufela.

⁴³ Mi cwale kutulo ha se ibuzwize, mi bakutulu ki babanyinyuani, halu keneni hande mwateni, ka buino bobuñwi kwa kona kuba muezalibi ya inzi bukaufi. Kwa kona kuba yomuñwi kuli busihu bo wakona kucinca buino kaufela.

Mi haiba ne si nako yateni, kakusasana wo, busihu bo wakona kukwala Libuka. Muhupule, hakuna kuba nihaiba alimuñwi yaka kena mwahali mabizo ani ha sa liuluzwi.

Lusika, cwale, mañi ni mañi muteeleze hande ka tokomelo Ni si ka bala kale Mañolo.

⁴⁴ Kaufela baba ka liululwa, Mulimu na beile mabizo abona mwa Buka ya Ngunyana ya Bupilo lifasi likaba kale ni kubupiwa. Ki babakai baba ziba cwalo? Ao ki Mañolo. [Hakuna manzwi fa tepu—Mu.] Mi antikreste, mwa mazazi a maungulo, ukaba fa kaufi hahulu mane inge sika sa niti, inge Keleke ya niti, lika kaufela inge Judasi fela mwa inezi, konji ha lika bata kupuma ni bona ba Baketilwe haiba kinto ye konahala. Kana ki niti yeo? Kono hakuna mutu yakona kutaha ku Jesu kwanda kuli Mulimu amu lume, mi kaufela bao Mulimu u file ku Yena ba ka taha ku Yena. Mi Ha sa ngile Buka yani, libizo la mafelelezo . . .

⁴⁵ Mwabona, kaufela bene bali mwa lusika lwa ba Luther, na ba hohezi kwande. Kaufela ba mwa lusika lwa Wesley, Na ba hohezi kwande. Kaufela ba mwa masika ashutana, ni mwa lusika lwa Mapentekota, U ba hohezi kwande. Kaufela bona bazwezi kwande kwanu, habana ku atulwa ni bona. Bona bangelwa. Mi

cwale libizo la mafelelezo ha li ka biziwa, lene li beilwe mwa Buka ya Ngunyana ya Bupilo yani, yene bulailwe haisamba lidasi litomwa; fo libizo la mafelelezo lani ha se li liuluzwi, kipeto musebezi wa Hae ufelele, Utaha cwale ku to nga Ba liuluzi. Seo si eza lipilu zaluna ku saba. Kono haiba li fitelela lilimo ze wani sauzande kasamulaho, nekusike kwaba yana ka liululwa.

Mi hakuna yakona ku liululwa kwanda kuli na beilwe mwa Buka ya Ngunyana ya Bupilo kusi kaba kale ni mutomo wa lifasi. Bao ki bafi? Ha ni zibi. Hakuna mutu ni yomukana ya ziba, mwabona, ki Mulimu fela anosi. Ni sepa kuli mañi ni mañi wa luna, mabizo a luna nali mwa Buka yani. Haiba la ka liteni mwateni, Na lumela kuba kwani; haiba ha liyo, Hanina kuyoba teni. Ki peto. Mwabona, fela, zeo liitingile fela ku Mulimu. “Ha ki ya itakaleza, kambe yena yakona kumata, kono ki Mulimu yabonisa sishemo.” Mwabona?

⁴⁶ Cwale halu atumeleñi Linzwi, ka likuta kaufela ni busepahali. Mi Ni sepa kuli yeo kona nto iliñwi yeluna ni kueza, mwabona. Halu tuheleni lika za bukuba! Lube ni likuta, lu sepahale!

Ni lemuhanga kuli buipuleli bwani fokuñwi ha ba... Fa televishini, hane bana ni mukopano wa ni wa Billy Graham; hakuna se ni nyaza ka Billy Graham. Kono kwani kwa California, muuna yani na kutalize liñusa lelinde busihu bwa maabani; na kutalize nto yeswana ni yene Ni kutalize kwanu ha ki kale hahulu, ka za Daniele, “Wena u beilwe fa sikala mi ufumanwi kuli u bubebe.” Ki babakai bene ba li boni? Buñata bwa mina, Na sepa.

⁴⁷ Mutalimele, kana ne mu boni batu bani bene ba taha mwahala lipula, inze ba tafuna chingwamu, ni kushenauna, inge ba ngubana ngubana? Kwani ha ki kuzamaya mwahala lifu ni Bupilo. Kwani ha kona kuswabela sibi, ni kubaka. Mwabona? Kona sana bulezi fela Billy kuli, “Kuba ni keto.” Mi keto ye sina mayemo, ya meto a omile, yeo kwateni, haina tuso, mane ha ki sesiñwi. U lukela ku ikutwa kuswaba bakeñisa sibi, ni ku sikuluha ku sona.

Mi Billy yena kasibili ali, “Kubonisa kuli, kuzwa mwahala ma masauzande a mashumi amalalu, hamukoni kufumana baba mashumi amalalu mwa silimo.” Na bulezi, zazi leliñwi kuli, “Ki butata mañi bo buli ni New York? Neni na ni mukopano omutuna wani kwani, mi ki sikamañi sene si ezahalile? Sibi seli se si maswe hahulu kufita mo ne si belanga.”

⁴⁸ Mi sikana siba se si mawe ka tundamo. Hakuna kuba ku... kubaka kwa naha kaufela. Naha ye i congile. Mina fela, mutu ka buyena; mi cwanoñu nyana zeo lika fela, haiba ha li si ka fela kale. Cwale, mu ñole fela seo, mina banana babanyinyani. Mutalime kuli Muzwale Branham uya kufita kai... Ha ki Muzwale Branham. Sani se Ni bulezi si lukile

kamba si fosahalile. Sibi si ka ba sesi maswe hahulu kufitela zazi leliñwi Mahalimu aka tumbuka mulilo, aka wela mwa lifasi, mi lifasi lika tuka ka buhali bo butuna. Kono, ba Baliuluzwi habana kuba teni ka nako yeo, bakabe baile.

⁴⁹ Cwale mwa Buka ya Muhalaehi Mareka kauhanyo ya 11, Joani Wapili 4:4 ni Mateu 28:20, Ni tabela kubala.

⁵⁰ Cwale, pili, Ni bata kubala kuzwa ku Muhalalehi Mareka, kauhanyo ya 11, ni timana ya 12 ku yo fita fa 24.

Muteezele hande ka tokomelo halunze lu bala. Mi cwale se si ka yemela bupaki nyana, ni manzwi nyana a kutiisana, mi kipeto luka bona seo Mulena ubata kuli lu eze. Mañi ni mañi muine fela ona cwalo mi mube mwa litapelo cwale, hanze lu bala.

⁵¹ Mareka 11:12.

Ha busa, ba si no . . . siya Betania, a lapa:

Abona kota ya feiga fahule nyana yena ni matali, a taha, kana aka fumana sesiñwi ku yona: kono a si no atumela, ha sika fumana sesinwi konji matali fela; kakuli ne si nako ya lifeiga.

Mi Jesu a alaba ali ku yona, Ku tokwe mutu yaka ca se si beiwa ki wena ku ya kuile. Mi ba lutiwa ba hae ba mu utwa.

Mi ba taha mwa Jerusalema: Jesu ha keni mwa tempele, akala kuleleka baba fundota ni baba leka mwa tempele, mi a wiseza fafasi litafule za baba cinca mali, ni litulo za baba lekisa linkwilimba;

Na sa lumelezi mutu ufi kamba ufi ku fita mwa tempele alwezi sesiñwi.

Mi a ba luta, ali ku bona, Ku . . . ñozwi kuli, Ndu Ya Ndate ika bizwa ya . . . kwa linaha kaufela ibizwe ndu ya tapelo? kono mina mu iezize makundano a masholi.

Bañoli ni mane ni baprisita bababulu ba mu utwa, mi ba lelisana mo ba ka mu bulaela: kakuli neba—kakuli neba mu saba, kakuli neba butumuka ka lituto za hae.

Mi hase li nako ya manzibwana a zwa mwa munzi, a zwa mwa munzi.

Mi habusa, (cwale leo ki lizazi lelitatma), habanze ba zamaya, ba bona kota ya feiga kuli iomelezi ni kwa mibisi.

Mwahala liholo ze mashumi amabeli ka zene, makazo ne se iezahalile, kasamulaho Amani bulela ku yona kuli, “Hakuna mutu yaka ca.” Hakuna, sene si bonahala kuli, si ezahalile ka nako yani; kono, ka le litatama, ne se iomelezi.

Mi Pitrosi ki ha hupula ni ali ku yena, Muluti, bona, kota ya feiga yo kutile i omelezi ni kwa mibisi.

. . . Jesu amu alaba ali, ku yena, Mu be ni tumelo ku Mulimu.

Kakuli kaniti Na mi bulelela nili, Yo kaufela yakali kwa lilundu leo kuli, Na nuha, mi unepelwe mwa liwate; mi a sa kakanyi mwa pilu ya hae, kono alumela kuli lika zeo za kupile lika ezahala; u ka ba ni sa kupile.

Kabakaleo Ni li ku mina, Linto kaufela ze mu lakaza, ha mu lapela, mu lumele kuli mwa li amuhela, mi mu ka li fiwa.

Mi ha mu yemi inze mu lapela, muswalele, haiba muna ni taba ni mutu: kuli Ndata mina ya kwa Lihalimu ami swalele milatu ya mina.

Kono ha mu sa swaleli, ni yena Ndata mina ya kwa Lihalimu hana ku mi swalele milatu ya mina. (Kuna ni litaelo fateni.)

52 Cwale Ni bata kubala Joani Wapili 4:4.

Mina mu ba Mulimu, bana babanyinyani, mi mu tuzi: kakuli . . . (muteezeze hande) . . . yena yali teñi ku mina ki yomutuna, kufita yali teñi mwa lifasi.

53 Halu bone Ni ibale hape cwale.

Mina muba Mulimu, baa babanyinyani, mi mu tuzi: (ubulela ka antikreste), kakuli yena yali teñi ku mina ki yomutuna, kufita yali teñi mwa lifasi.

Tulokandina totubeli, mwabona, “yena,” tulokandina twa mutu; “yena” yali teñi mwa lifasi, ni “Yena” yali teñi ku mina. “Yena yali teñi ku mina ki yomutuna kufita yali teñi mwa lifasi.”

54 Cwale, mi ni—ni kauhanyo ya 28 ya Muhalalehi Mateu, ni timana ya 20.

Mu balute ku mamela litaba kaufela ze Ni mi laezi: . . . amubone, Ni inzi ni mina kamita, ku isa ni kwa mafelelezo a lifasi.

55 Cwale toho ya tabo fo, busihu bo, Ni tabela kuitusisa ye kuba tobo ya taba: *Yena Yali Teñi Ku Mina*. Mi ku yona Ni tabela kuyaha tumelo, eni sha, buino bwa sebelezo ya tapelo. Mi kapili fela . . .

56 Cwale, kuswana sina ha Ni mi bulelezi, Ni tabela ku mi beya mwa likezahalo ze ezahalile kale. Mi kamita Na libelelanga kufitela Ni taha kwa—kwa keleke kwanu, ku to bulela likezahalo. Mi cwale haiba babañwi ba tabela ku li utwa, bakona ku li utwa mwahala matepu. Kono Na libelelanga kufitela ha Ni fita kwanu.

Mi kuna ni, mbweshwa kuli, kwa kezahalo ye Ni ka mi bulelela za yona fa nako nyana cwale, kuna ni baana basikai mwahali mo babali lipaki kwa lika ze, muzwale ba Sikreste. Alimuñwi yanali teñi, neli Muzwale BanksWood. Yomuñwi yanali teñi, neli

Muzwale David Wood. Yomuñwi, ya liteni mwahali mo, neli Muzwale Evans n mwana hae wa mushimani, Ronald. Yomuñwi yana liteni, ki dikoni waluna ya ishuwile, Muzwale Wheeler. Mi yomuñwi, yali teni, neli Muzwale Mann. Ki Muzwale Mann mo, yazwa kwa New Albany? Mukutazi wa Methodist yene Ni kolobelize ka Libizo la Jesu Krete, nako nyana yefitile, nali yeni ni yena, hape, se ha si ezahala.

⁵⁷ Seli nako nyana, ka myaha nyana cwalo, yese Ni bile ni mutiyo mwa sifuba saka kuli Ni. . . mwa pilu yaka. Ne ku utwahalile kuna inge kuli Ne ni fosize. Mi Na alunguta mwa bupilo bwaka, kuya ni kukuta ni kukutela hape, kuli nibone sene si fosahalile. “Mulena, haiba—haiba Ni ezize sika se si fosahalile, konakuli Usi patulule fela ku na, se si fosahalile, mi Ni ka si lukisa.” Kono hakuna sene si patululwa ku na. Ne nili, “Kana Ni holofalize mutu nji? Kana Ni siile nto yeñwi ye si ka ezahala? Kana Ni. . . kikuli Na bala ka mo ku lukanela? Kikuli Na lapela ka mo ku lukanela?” Mi ne Ni bala ni kulapela. Mi—mi Ne—Ne ni bulela kuli, “Patulula ku na. Kana Ni holofalize mutu, kokuñwi? Haiba Ni ezize cwalo, Ni ka li kondisa. U ni bonise fela; Hani u lati mutiyo.” Mi ka lilimo ze ketalizoho kwa mulaho, kuzwa fo Ni zwezi mwa simu, kubile mutiyo o inelezi mwa pilu yaka.

⁵⁸ Ni ile mwa malundu. Ni ile kwa matuko a liwate. Ni ile kai ni kai, mi ni lapezi ni kulapela ni kulapela, kono ha li ni tuheli fela. Mi Ni hupuzi ka lika kaufela, haiba kuna Ni se ni ezize. Kono ibe cwani ni cwani, niteni, ha li ni tuheli; Ne nili fela mwa litamo, cwalo.

Mi ki nto yenca kuli se si nanuhile kuzwa fa pilu yaka ka nako yeo Liñusa le ha litile, mwabona, la kakusasana kacenu. Cwale, kana neli Mulimu yana tabela se kulibeleda taba ye pili nji? Ha ni zibi. Mwabona, Ni. . . Lika ze nelili kaufela zona mwa munahano waka. Mwakona ku nahaniseza zekona kuba mwa pilu ya mutu haba ni zeo, mwabona, ka kunahana ka ze ezahala; mi, ni kuziba, ku bulelela sicaba, ka kuziba kuli babañwi bakanga siemba se si fosahalile, mi babañwi ba ka ya neku *le*, ni neku *lani*. Mi mwa ziba mo liinezi. Mi babañwi ba ka lumela, mi babañwi habana kulumela. Mi, kono zeo kona ze mu lukela kuba ku itiisa ka zona.

⁵⁹ U kona ku libulela cwani kusina ku holofaza? U kona ku libulela cwani, kuli li ka ezahala? U kona ku libulela cwani, ili kubonisa batu kuli ha u—ha u buleli ka ku banyaza, kono kuti wa balata? U kona kuba cwani ya tiiseza ni ku yema hande, kono niteni unzo na nin lilato? Mi, oh, uka liyemela cwani zeo? Mi hape bumai ki bwaka haiba ha Ni li toloki ka swanelo! Mwabona? Mi ki fo he cwale. Mwabona? Ki kabakaleo, ha li mi beya mwa buino bwa kuikalelwa ni ku katala.

60 Ne ni zwa kwa—kwa . . . ne ni kuta kuzwa kwa Arizona, ku yo kopana ni sikwata sa muzwale kwanu, baba zamayanga ni na kwa kuzuma mwa Colorado, mwaha ni mwaha.

Cwale, batu babañwi ba komoka, “Bali kiñi ha u yanga kwa kuzuma? Ki sikamañi se si kuezisa cwalo?”

Mubone, *kwanu*, mina mwa kula, Na na zusa; *kwani*, Ni yo kuliswanga, kuli Ni kone ku to sulula. Mwabona? Cwale, Ha ni yelangi fela ku yo kunupa lifolofolo. Kiñi, sicaba, mañi ni mañi mo baba zamayanga nina, ba ziba kuli Na fitelelanga mianda anda ya lifolofolo kusina mane nihaiba ku li swala. Ha ni ezangi cwalo.

61 Cwale, kwanu ha ki kale hahulu, Hane ni kalile ku kunupa lifolofolo kwa baana ba pisinisi ya Sikreste, ha baya mi ba bulela kuli, “Billy, uni bulaele poho, uni tele ni komu ya sitole, ni ngele kwalata, ni ngele *se*, kamba *sani*, ni *sesiñwi*.” Ni ya ku yo kunupa fela lifolofolo kwande, kuzwa kwa nzohoto kuya kwa silyo. Mulena a ni tusize kuli Ni kone kubona ni kufumana lifolofolo, ni ku kona kukunupa hande ka kunonga, mane ku li bulaya. Mi—mi bona baina fela inge ba ambola ka mipateho ya bona.

62 Mi Mulena ani bulelela kuli nisike naeza cwalo ni kamuta. Mi Na—Na utwa bumaswe ka zona, kacwalo Na Mu sepeisa kuli Hanina kueza cwalo ni kamuta. Batili. Se nili, “Haiba ki nto ya putako mi kuna ni yaitokwa, Ni ka eza cwalo. Kono haiba ha ba li tokwi, Hanikoni kueza cwalo.” Ona baana bani fela, baan ni masheleñi amañata hahulu bakona kulekanga nama ni lika zeñwi. Cwale kiñi ha Ni ka ezanga cwalo? Mutehele folofolo ipile haiba hamuna kuitusisa yona.

63 Kacwalo Ni lukela fela kuba ni nosi. Mi cwale mutu kaufela, yaya kwa kuzuma ni na, uziba kuli ha Ni zumangi ni mutu. Ni ikelanga ni linosi, nibanga ni linosi fela. Na yanga ni bona, kuli lube ni kutona hamoho busihu, ku yema hamoho ni kulapela, ni zeñwi cwalo.

Kono nekuna ni bakutazi babañata hahulu kwani. Neku nani, mwa malundu kwani muno mwaha, Muzwale waluna Palmer. Na lumela Ni muboni kokuñwi fa nako nyana . . . Ki yo uteni fa, uinzi fa, Muzwale Palmer. Ni Muzwale Bob Lambert, naliteni mo kakusasana cwana, Ni mu utwile ha na huwa kokuñwi. Ni sepa kuli usali teni. Mi hape nekuna ni muzwale . . . bashimani bababeli ba ha Martin, Ni sepa kuli bateni mo. Kana bateni, bashimani baha Martin? Muzwale, ki Muzwale Martin. No ni bizize zazi leliñwi, yani neli nto yende. Mushimani yani na folisizwe, muzwale wa mukutazi yani.

64 Kana uteni mo, yale yene Ni lapelezi, fa luwaile, zazi leliñwi? Ni libezi libizo la hae, na zwelela kwa Arkansas kwani. Musala hae na ni lizelize; muuna wateni na luluhile maswe maswe kwa makupo, ni libelenge leli maswe, inza shwa. Yena muuna

yaswana ya bizizwe, kwani kwa—kwa Little Rock, kamba kwa mukopano wa kwa Hot Springs, nali teni mwa mukopano.

Mi ki mutangana ya bonahala hande. Haiba uteni mo, Ni sepa kuli hana kunanuha cwale, ni hanyinyani. Kono Ni libezi libizo la hae. Hanisa hupula libizo la hae. [Yomuñwi uli, “Muzwale Blair.”—Mu.] Blair, Muzwale Blair. Yomuñwi . . .

Kihande, cwale, nali teni mwa mukopano kwa Little Rock, ki babakai bene bali kwani, Ni taluse, kwa Hot Springs, ki babakai bene bali kwa mukopano wani? Mi Moya o Kenile wabiza mutangana yani ni ku mubulelela kuli nalika ku ni hanyeza, ka kubulelela kuli Ne nili “mupolofita wa buhata.” Mi muuna wateni a paka kuli neli niti. Mwabona sa nasweli kueza diabulosi? Muuna yani hayangi kwa madokota. Ha lumeli mwa kuya kwa madokota. Kono Satani na zibile kuli butuku bo nebuka mu swala, mi ne bu ka mu bulaya ona fani. Mwabona? Kacwalo na lika ku mueza kuli a ni hanyeze. Mi Moya o Kenile, ka sishemo, wa mu biza ni ku mu bulelelela kuli asike kueza sani; muuna wateni, kakuba muenyi, a mu biza kuli asike aeza cwalo.

⁶⁵ Mi busihu bobuñwi, musala hae na ni lumezi luwaile mi ali, “Muzwale Branham, Ni sepa kuli wa shwa.” Ali, “U—u luluhile mubili kaufela. Mi, libelenge la hae, libata ku mu lyanganisa mwa toho, mane.” Ki hali, “Nto ya mafelelezo yana bulezi naize, ‘Biza Muzwale Branham.’”

Se Nili, “Kana una ni sika kaufela, mwa ka kotana ka hao kuna ni kataulo nji?”

“Batili.” Nenili kwa Tucson; yena nali kwa Arkansas.

Mi se Nili, “Una ni kataulo nji?”

Musali ali, Na lumela, yena ki “lisila la mwa mulala.”

Se nili, “Cwale beya lizoho la hao fa lisila leo, mi uswale luwaile mwa lizoho leliñwi.” Mi Na lapela ni kukupa Mulimu kuli abe ni makeke mi a lelekise sila sani.

⁶⁶ Mi ayobeya lisila la mwa mulala lani ku muuna yani. Mi lelitatama kakusasana, a ni biza.

Cwale, mwendi mwahala liholo ze twenti fo cwalo, kamba zenyinyani fela.

⁶⁷ Muzwale waluna yomunde, Ha ni si ka mubona busihu bo, Muzwale Roy Roberson. Mi onafani fela, mwa ziba, Muzwale Roy na sweli kunyaza muuna yani. Haiba uteni mo, Na—Na sepa wa utwisisa, kakuli Hani—Hani—Hani nyazi zeo. Kono lika kaufela li yemi ka tokomelo, nali sejenti mwa Busole, mwa ziba, mi mu lukela ku twaela kuswala batu sina mo ba ezezanga mwa Busole. “Kihande, ona lika za moya ze ku mutu usili fela,” isiñi yena! Kono Mulena a mu lamulelela ku zona. Na kaba ya shwile; ba mu lobaza kuli ushwile, fa nako yetelele. Mulena a mu folisa; u bile alatelelela kuzwelelelona ona fani. Kono ze kaufela ki litaba za moya, na sa li zibi, ni lipono.

68 Mi kwanu ha ki kale hahulu, babañata ba ziba pono yene filwe ku Muzwale Roy Ni si ka ya kale kwani, ka za hae hana ni bona inge ni yemi fahalimwa lilundu kwani, mwa Liseli lani, mi Linzwi la zwa ku na. Sani sa zwisa kukakanya kaufela ku Muzwale Roy.

69 Mi busihu bobuñwi na keni mwa sibaka sa kuli abe akula hahulu habutuku, mane akenelwa ki libelenge la kababa, ni lika zeñwi. Mi dokota a mufa mulyani, lika kaufela, mi mane ne u si ka mu tusa sesiñwi. Mane aba mwa sibaka sa kuli mane apalelwa nihaiba kushenya nihanyinyani. Mautu a hae ni lika kaufela nelil fela, inge, luñañali cwalo.

70 Mi muzwale yomunyinyani yani na kunupilwe mwa liemba emba, ka mapo ya lilumo la mwa tobolo ya eite-eiti, German eite-eiti. Mi neli—neli fela. . . Mi Ni sepa kuli sikwata sa habo yena kaufela ne si bulailwe, kono haili yena, mi nali fani inza pazauhile mwa liemba emba.

71 Mi mwa ziba ze ne ezahalile? Ne ni bulelezi musala hae ya ishewile, Kezeli Roberson, kuli. . . Mi ali. . . Se nili, “Zamaya u yo munga kwateni?”

72 Ki hali, “Nina ni kataulo ko u kile wa lapelela nako yeñwi.”

73 “Zamaya uyo ka tisa.” Mi Ne nili mwa Tucson, mi na beya lizoho fateni, ni kulapela ni ku kalimela, mi nali, “Kezeli Roberson, si ka zwa.”

74 Kapili Sesiñwi sa ni bulelela kuli, “Si ka zwa. Ubulele cwalo!” Mi mwahala licika la hola, libelenge la iconga; nali mwa situngu, inza batabata za kuca. Mwabona? Mwabona?

75 Ki sikamañi se Ni lika kubulela, “Musike mwa latehelwa ki sepo ya mina.” Musike mwatuhela kuli Satani ami bulelela yemaswe ka na; kakuli, kuna ni zeñata. Kono mubuluke sepo yeo; kakuli, haiba mu sa ezi seo, halina kuezahala. Musike mwa talimela ku na, kakuba mutu; Na ni mutu, Nitezi fela mafosisa. Kono mutalimele ku se Ni bulele ka Yena. Ki Yena. Yena ki yena fela Anosi.

76 Hane luli mwa Colorado, mwabona, hane luli kwa neku lani, lwa yo kuta. Mi ne ku omile luli. Lifolofolo ne li sa bonahala. Muzwale Wheeler, Mulena na mu fuyozu ni kumufa—kumufa mupuzo omunde, mi lwa tabela hahulu ka sani. Neli nako yapili haba mwa mushitu inza zuma, mi Mulena amu fuyola. Mi cwale Na kunupa mupuzo omutuna o ne ni nze Ni bata bata fa lilimo ze mashumi amabeli, ne ni sweli ku ibata, Muzwale Banks ni Na nelusweli kuibata bata fa nako yetelele. Mi hane Ni bile cwalo. . . Na kunupa tobolo yaka mwa mushitu o cisa wani, ku taha cwalo mwa sibaka mo mu bata, yatisa lika kuba hande, nihane ina ni gilasi kwa matuko. Kono ya kunupa mwahala mainci nyana cwalo, mi ya kunupa folofolo, inge ni yemi mwahala likota, kone isa lukeil ku yo inonga; mwatasi nyana kufita fani, kuya ka swanelo ne i ka bulaya folofolo

mwahala muzuzu nyana fela. Kono ya yo inata fahalimu hahulu, ya, tula, inge ye wa cwalo.

⁷⁷ Mi Billy nali ni na, mi ki hali, “Yani inongile.” Mi Na hupula kuli mwendi ne inatile, nina; kono ha lu yo ya kwateni, nekusi cwalo. Ki hali, “U natile fa kota.” Na talima mwahalimu ni fafasi, nekusina sibonena fa kota fani. Mi se Ni ya ku yo batisisa.

Mi se kutaha sisupo sa mamelo. Nekuna ni baana baba mwanda, fahalimwa luna fela. Mi Muzwale Palmer ni babañwi ki lipaki za zeo. Mi Muzwale Evans, yeo ki niti, nali teni kwani; Muzwale Welch Evans ni mushimani wa hae, Ronnie. Na sepa Ni mu belezi, fa nako nyana yefitile. Mi sikwata tuna sa babana ne sili fahalimwa luna, se ba biza kuli mafulo a likomu kulo kwani, ko bapila balisana ba likomu ni ku pahama, ku kauhanya likomu. Ne ni inanga mwa mafulo ani na kasibili ni kulisa likomu zani ni ku likauhanya.

⁷⁸ Mi cwale, kacwalo, mwahali mwani, nekuna ni baana baba kuma fa mwanda. Kono mañi ni mañi wa ziba, mwa naha yani, liñungwa ha li taha ni puka ha se li lemuhilwe, ki hande muzwe kapili ona fo. Ki kabakaleo Muzwale Palmer ni babañwi hane ba ile ka kuitahala, kakuli nebana ni fela mushini wa magiya amalalu kwa lubilo mwa mota ya bona, mi neba lukela kuzwa kwani; kakuli, buino bwa moya, hamuli kwani, mi mwakona kuina ka lisunda sunda. Kona mo ne ba bulelela, “Kuna ni liñungwa le li sabisa lelitaha,” licaziba zateni, mapampili, ni fa silimba. Mutiyo ni mutiyo, ni bulele kuli lika kaufela zwa mwa sibaka sani za zwa. Ne se baile, ona fa, kakuli ne ba zibile mwa kuzwela kwani.

⁷⁹ Kono mizwale bahesu neba na ni situpa sa liputi zepeli, mi neba—neba sa tabela kuya. Kacwalo Na—Na li, “Kihande, lu ka ina.” Kono Ne ni na ni mukopano o no taha, mwahala mazazi a silezi, mi Ne ni na ni kukutela kwa Tucson.

⁸⁰ Kacwalo, musala ka yomunyinyani, Na...se lu nyalani lilimo ze mashumi amabeli ka zepeli. Mi lilimo ze mashumi amabeli, ka lizazi la kupuzo ya kunyalana kwa luna, Na banga kwani nako ni nako; na ipumananga kwani. Kacwalo Ni—Ni nani sibaka nyana ko Ni yanga ku yo lapela, mi ne si bonahala inge sibaka kone Ni mungile.

⁸¹ Mwa ziba, Na eza nto yenyinyani, mwa ziba, Ne ni sina masheleñi amañata kuli niye kwa kuzuma ni ku yo ikatulusa kasamulaho wa linyalo, kacwalo Na—Na—Na lwala musala ka kuya fa musipili wa kuzuma kuba kuikatulusa kwa luna kasamulaho wa linyalo. Kacwalo neluli mwa New York, mi Na hupula hane ni mutusa mwa bishingwa ni lika zeñwi, ku yo liisa mwa sibaka sesiñwi. Mi Ni nani sibaka nyana kwateni, Na mu hupulanga kamita ha Ni ya kwa kupuzo ya linyalo kwani. Ka la twenti sili Yenda kona fo ibelanga kupuzo yani. Mi, lilimo ze

mashumi amabeli, Ha ni sikaba kale kwa lapa, kamita ni banga ona kwani.

⁸² Kacwalo zazi lani neli kupuzo yaluna ya linyalo. Mi Muzwale Mann. . . Se nili, “Cwale haiba mina mizwale. . .” Se nili, kwa mulilo, kakusasana wani, “Cwale haiba. . .” Busihu bwani, nitaluse. “Haiba kaufela mina mu tabela kuina kwanu cwale, muhupule, kwakona kuba kwanu kweli mutumbi.” Kakuli Ni boni mbundu yelikana liñokolwa zelikana mashumi amabeli ha iwa fa nako nyana, kupazulisa lizazi. Fela, mwakona kuzwela kwande, mi mu ipumana kuli mu omile mane muiketile fela hande; mi kakusasana habusa, mbundu neli kunwela *luli*, yeñata, mwendi fahalimwa tende ya mina. Kacwalo he Na li. . . Mi kipeto muine mwateni kufita ishengunuka kaufela. Kacwalo semuli ka limaili ze lishumi ni zeketalizoho kuisa mashumi amabeli mwa lihalaupa. Mi kacwalo se Nili. . . Mi haiba kuba ni liñusa la putako, eni sha, ba lumanga ma helikopita mi ba mi bandusa. Kono, kamita, fela bona. . . hakuna ya ka shwa, bana ni kulibeleva fela kwani.

⁸³ Kacwalo mañi ni mañi ba hasana ba sa utwa fela zibiso yani, ya mo ku ka pazulela ni buino bwa moya, nitaluse. Kacwalo ne luli ona kwa mulaho kwani, mi se Nili, “Cwale mu cince minahano ya mina. Haiba mubata kueza cwalo, Ni teni kwanu ku to zuma ni mina, mi Ni ka biza musala ka ni ku mu bulelela kuli, ‘Kupuzo ya tabo ya Linyalo!’” Kono se Nili, “Mi, ku zani, Ni ka eza hape, Nina, luna luka. . . Luka lwala milola ni zeñwi za kuitusisa, kakuli lu kasana lwaina kwanu.” Ne lu felezwi ki sinkwa kwani. Mi Hani sa lata kubona linkwa za sipapalala zani ni hanyinyani fa nako yetelele, ona linkwa zemunati zani! Kacwalo, bona, Ne ni sweli kulicanga mwa Canada, mwendi ka mazazi a mashumi amabeli ni lililiñwi, mi luli ne Ni se ni nyikwile lika zani. Mi kacwalo Ne ni bata kuca sinkwa cwalo.

⁸⁴ Kacwalo sebali neba tabela kuina. Kacwalo nekusina sa kueza. . . kuli baine. Kono Muzwale Mann ni Na lwa zwa, mi lwaya kulo kwani mane Na yo leka za kuitusisa. Mi Na biza musala ka, kono luwaile ne lu si ka alabiwa. Hakuna yana alabile; kacwalo Na libelela hola kufitela ha lu yo leka liututiso, ni kukuta, na liza, na si ka alaba. Mi se Ni biza Kezeli Evans.

Ni lumela kuli Kezeli Evans uteni mo. Mi Na bulela. . . Eehe, Muzwale Evans, Kezeli Evans uteni mo.

⁸⁵ Se ni biza Kezeli Evans, wa Muzwale Evans, ni ku mubulelela. Mi ali, “Ni ka biza Kezeli Branham ni ku mubulelela.” Kuli “Tabo ya Linyalo,” eeni sha, mwa ziba. Kacwalo, kono naile kwa ku yo leka lika, ku yo itekela za kuitusisa kwa banana.

Mi cwale ni kukuta. Mi kakusasana habusa, sene sili mwa mbyumbyulu kono kwanda malu. Ne isika nela kwani mwa nako ya litabula, mi ne ku omile hahulu. Mi nebana ni ku bisa

butelele nako ya kuzuma, ka mazazi nyana hape fahalimu, kuya ka muinelo wa kuoma kwateni.

⁸⁶ Kihande, Ne ni ambola kwa mizwale kakusasana wani kuli, “Cwale, liloteli lapili la pula ha li kalisa kulota, mbundu yapili, yona puka yapili, sika kaufela, mu matele kwa mafulo kapili fela mo mu konela, kakuli mwa mizuzu ye lishumi ni ye ketalizoho hamuna kukona kubona lizoho la mina fapila mina. Mwabona? Mi moya uka fulana ni kufuka, mi ha Ni na taba kamba uziba cwani naha, una—una ka inelela ona kafoo, mi u ka ishwela. Kakuli fokuñwi hamukoni nahaiba kubuyela, mbundu ne isweli kufuka, mi, muka shwela ona kwani.” Mi se Nili, “I sa kalisa fela kuwa mbundu, muye kwa mafulo kapili mo mu konela, Hanina taba kamba muinzi kai.”

⁸⁷ Kihande, se Nili, “Muzamaye kwani mi muine mwa mabala ao, mi Na ni ka pahama fahalimu luli ni ku pikulusa macwe fahalimwa lilundu, ni zeñwi cwalo, ni sabise liputi fahalimu, ni ku li matiseza fafasi, mu inopele fela ze mubata.”

⁸⁸ Mi se Ni kala kupahama, mi ka nako yani Na fita ko ne lu biza kuli, “sipahamelo sa pelesa,” sibaka nyana kwani kone Ni silanga kamita ha ni ya kwa sibaka se si bizwa kuli “Quaker Knob,” kwani neli kwa Makauhanelo a Sibaka, ki nzila ye pahama. Mi ha Ni yo fita bukaufi ni sipahamelo se, se . . . malu akala ku unsufala ni kuba bunsu luli. Nekusina mota yene siyezi, neli fela luna kwani, kuya ka . . . ni mushimani wa mulisana kwa mafulo. Kacwalo na ba—na ba ni kuikutwa bumaswe luli. Kacwalo, mwa mizuzu yelikani fela, ya kalisa kunela. Kihande, Na lwala tobolo yaka ni kuibeya mwahala koti yaka, kuli kubatelwa kusike kwa ikenela, mi—mi ni kubatelwa kwa kala kulobisa; kamba neli kumatela kwa bere kamba sika sesiñwi kaufela, ni kukuta, kacwalo Na—Na swala tobolo yaka cwalo ni kuina mwatasa kota, fa nako nyana. Mi hane Ni inzi, ni kulapela. Se nili, “Mulena Mulimu, Wena ki wena Jehova Yomutuna, mi Na Ku lata.”

⁸⁹ Ki kutwisiso yekuma kai ye Ni bile ni yona! Na supeza kwa mizwale, Muzwale Palmer ni babañwi bani, kwa libaka. Kwani, ko mbande, mwa ziba, hane Ni iboni inze ipahama zazi lani, mwa ziba, mi mane . . . Kuli mane ni libaka kone ifumaneha kwani. Ki buino bwa maikuto a moya ku na, kulo kwani. Ni bile ni likutwisiso zeñata hahulu ni Mulena ka, fahalimu a malundu ani. Kacwalo hamukoni fela kupahama fahalimu fani kusina ku Mu bona; Yena ufumaneha fela kai ni kai.

⁹⁰ Kacwalo he hane Ni—Ni ti lo ina fani, ni mbundu ya kalisa, mi ni moya omutuna wakalisa kufuka, sina cwalo. Mi se Nili, “Kihande, Ne ni zibile nzila ya kutuluka ka yona, kono kihande kuli Ni tuluke kapili kulo fa cwale.” Kona mone Ni bulelezi . . .

⁹¹ Ne ku bonahala fafasi, mi mane Ne ni sakoni nahaiba kubona fafasi ni hanyinyani; malu ani nasweli fela kupotoloha

ni kupikuluha, ni mbundu inge isweli kunela. Mi ki yani neili kwani, ni liñungwa! Lika zene bulezwi kubateni mwahala mazazi nyana cwalo kuli, “Liñungwa lelituna li ka taha!”

⁹² Muzwale Tom uteni mo. Muzwale Tom Simpson, uzwelela kwa Canada, yana utwile ka za piho yeo, mi a zibiswa kuli asike kuya kwa sibaka sa naha sani, kakuli piho ye neibulezi kuli, “Kukaba liñungwa.” U kai kana, Muzwale Tom? Ni sepa kuli, eehe, ona fa. Mi yena. . . Liñungwa ne li taha! Mañi ni mañi na sa itukiselize kale ka lona.

⁹³ Kihande, Na beya tobolo yaka mwatasa hembe yaka, sina cwana, hembe yaka yefubelu, na kalisa kuya ni shetumuka lilundu. Mi ha Ni kalisa cwalo, Na ya mwendi licika la maili kuzwa fa sipahamelo sa pelesa; mi, oh, mawi, neli maloteli amatuna luli a mbundu, sina cwalo, mi moya wa kala kufuka unzo pahama, fa lilundu lani, ni kufuka. Ne ni sa koni kubona fafasi ni hanyinyani. Ne ni bona fela mwendi butelele bob u likana ni liñokolwa ze mashumi amabeli kwapili ku na, kamba mashumi amalalu. Mi Na ziba hande ka za kutaha ni shetumuka nyana cwalo, sene lubiza kuli, “mukokoto wa kulube ya mwana,” mukokolombwa o munyinyani, mi ni kukutela kwa kanuka, mi cwale Na ziba hande za kulatelela kanuka kani, ni kwa kuya, haiba ne ku ka ba bumaswe.

⁹⁴ Mi kacwalo he Na kala kushetumuka, mi na fita bukaufi nyana kwani, mi Sesiñwi Sali kuna, inge fela mo mu ni utwela, “Yema, mi ukute kwa mulaho!”

⁹⁵ Kihande, Na hupula, “Ki sikamañi sene Ni nahana? Mwendi ki muhupulo waka fela.” Mi Ne ni sakoni hape kuzwelapili ka muhato omuñwi kwapili.

⁹⁶ David na lukisize liñende kakusasana wani, mi Na sepa mane na likile kuli ni lukiseze bo ndatahe lililiñwi, mi nako yeñwi, la nyanisi ni linonsi, zani kona fela zene lunani. Kacwalo a ni lukiseza le li munya mi, oh, Hani sa ziba kuli nelili cwani, a li putaputela mwani! Mi ne Ni li beile mwa hembe yaka, mane la koloba mwa hembe yaka. Na hupula kuli, “Ni ka tuhela fela mi ni icele se, mi mwendi Ni ka. . . Li kaba fela hande ka nako yeo.” Kacwalo Na comola liñende lani, nei bukaufi ni teni kiloko, mi se Ni kala kuca liñende lani. Mi hane Ni ca liñende cwalo, Na hupula, “Cwale Ni ka ba fela hande.”

Mi Na kalisa ku zamaya kuya kwapili, kono Sesiñwi sali, “Kutela ko zwelezi!”

⁹⁷ “Kutela mwa liñungwa lani, licika la maili kamba kufitelela cwalo upahame lilundu, kukutela mwa likota zani ze nsu?” Ko, mu sa koni nihaiba kubona butelele kufita fa siñwañwa sani! Kono se Ni ya ni supala, mi Ni bile Mukreste cwale ka lilimo ze mashumi amalelu ni zetalu; mi Na ziba, hakuna taba kamba ki sikamañi, mo si bonahalela sa bukuba cwani, mutokomele fela za Mulena, mueze sa bulela Mulena.

98 Mi Na sikuluha ni kukutela kwa sipahamelo sa pelesa, inge ni ikutwa hape kuli na kuta. Oh, mbundu yakala kuba yetuna ka butuna; kwaba bunsu ni bunsu. Mi Na isa fafasi kwani, ni ku hoha koti yaka sina cwana, kamba hembe yaka fa tobolo yani hape; naina fafasi. Na hupula kuli, “Ki sikamañi se Ni eza kwanu? Ki kabakalañi ha Ni kutezi fahalimu fa?”

99 Mi Na libelela fela mizuzu yelikani fela. Mi Na kalisa kunanuha hape, mi ka kuutwahala fela sina mo Ni kona ku utwela, ki leo Linzwi lani, “Kina Mubupi wa lihalimu ni lifasi! Ni eza mañungwa ni pula.” Na tubula kuwani yaka.

100 Se nili, “Jehova Yomutuna, kana ki Wena yoo?”

101 Mi ali, “Ki Na Yana kuzisize mañungwa fa liwate. Ki Na yana ezize mandinda kuli akuze. Ni bupile mahalimu ni lifasi. Kana ha ki Na ya na ku bulelezi kuli ubulele kwa lika zani, kwa tumale, mi twa ba teni? Kina Mulimu.”

102 Cwale, linzwi ha li bulela ku mina, mutalime Mañolo. Haiba ha ki la Mañolo, mu li tuhele fela ona cwalo; hanina taba kamba li utwahala cwani kupatalala, muinele kwahule ni lona.

103 Se nili, “Eehe, Mulena.”

104 Mi ali, “Bulela kwa moya wo ni liñungwa leo, mi lika ya.” Cwale, Bibeke ki ye iinzi fapila ka, yena ni bupilo bwaka mwahala Yona.

105 Na nanuha, Se nili, “Ha ni kakanyi Linzwi la Hao, Mulena.” Se nili, “Mali, mbundu, pula, puka, Hani tabela kutaha kwa mina. Ka Libizo la Jesu Krete, hamuye kwa libaka za mina! Ni bulela kuli lizazi liswanela kuzwa kapili mi limonyehe ka mazazi amene, kufitela musipili waluna wa kuzuma ufela mi Ni zamaye ni mizwale baka.”

106 Ne lisweli fela ku kasha katata, se liya, “Whoooooosssh,” sina cwalo. Mi za kala kuya, kuya, “Whoosh,” mafelelezo mane za ya, “whew, whew, whew, *whew*.” Za lisela!

107 Na yema inge ni ni kuzize fela. Mizwale baka nebali fahalimu fani, mi ba komoka ze ne ezahala. Mi puka, pula za lisela. Ki ha kutaha kakundukundu kene ka pikuluha mwahala malundu, ka nanula malu, mi leliñwi la ya kafa; upa, mutulo, wiko, ni mboela. Mi, mwahala mizuzu fela yelikani, lizazi la benya handende ka kufutumala. Yeo ki niti! Mulimu uziba kuli ki niti!

108 Se ni yema fela fani, inge ni talimela fela kafa ni kafa; ninze ni tubuzi kuwani yaka, na talima. Na...Mu li...Na ikutwa singonyi, mubili kaufela.

109 Na hupula kuli, “Yena Mulimu yaswana wa Pupo, li inzi mwa mazoho a Hae kaufela. Ki sikamañi Sa ni bulelela?”

110 Mi se Ni nopa tobolo, na pukuta kwateni mukamo, ni kukala kukuta kwa mulaho, kuya ni shetumuka lilundu. Mi Sesinwi sa

li kuna, “Kiñi ha u sa zamayi ni Na mwa lihalaupa le, u zamaye ni Na?”

111 Se nili, “Eehe, Mulena, ka pilu yaka kaufela; ikaba nto iliñwi ya lika zetuna hahulu ze Ni kile naeza fateni, ili kuzamaya ni Wena.” Kacwalo Na beya tobolo yaka fa liheta, mi Na kalisa kuzamaya inge ni shetumuka cwalo; kusina nahaiba capu yene yendekilwe teni, likota za kale mwa tite, inge ni zamaya mwahala zona.

112 Mi ha Ni toeza cwalo, na zamaya cwalo, mwa tunzila mo ku zamayanga lifolofolo zani, Na utwa inge cwana, “Ni lumela kuli Ni ye kwa sibaka kone . . . maabani neli kupuzo yaluna ya linyalo, mi Ni ka yema fani fa mizuzu fela ye likani; ku yo lumelisa fela Meda hanyinyani, ko kuna ni sishañata sa linoha zebuhali, fahalimwa lihaha nyana.” Mi se Nili, “Ni lumela kuli Ni ka ya kwateni, ku yo fa fela lumela kwa kupuzo ya linyalo la luna. Kona Ni ka kutela kwa neku leliñwi le, mwa likota zensu ze, ni kuzamaya kafa ni kafa, ni kupotoloha kwa ni kwa, kuya kwa kwa Mañope a Matelele fa ngo ya lilundu, ni kukuta ka kushetumuka ona cwalo.” Ili kuzamaya fela ni ku nyakala.

113 Ne ni bulela kuli, “Ndate, Ni ziba kuli Usweli wa zamaya nina. Mi ha ki lithonolo ni leo; hakuna yomuñwi yomutuna yo Ni kona kuzamaya ni yena; kwanda Mulimu kasibili!” Mi lizazi le li futumala lani inge li benya!

114 Neba ha Ni tozwa mwa malundu. Na yema fa manwelo a mafula a limota, mi se Nili, “Lizazi kwa bunde!” Mazazi amalalu kasamulaho. Ne iska nela mwa sibaka sa mushitu sani kufitela mazazi amane ha to kwana. Lizazi ne li monyeha zazi ni zazi. Kana ki niti yeo, mizwale? [Mizwale ba li, “Amen.”—Mu.] Mwabona? Mane nekusina nahaiba lilu mwa mbyumbyulu.

115 Mi Na zwa fa manwelo a mafula a limota, Se nili, “Luli ki lizazi lelinde.”

“Eehe, ku cwalo!”

Se nili, “Kubile ko ku omile maswe maswe.”

116 Nali, “Ki nto ye nca!” Mulekisi wa mafula ali, kuli, “Wa ziba, ne ba lu bulelezi kuli ne kukaba mbundu yetuna, kono hañi hañi fels ya tuhela!”

117 Ni tile kwanu, fa njanji ya New Mexico. Billy ni Na, mwanake wa mushimani, lwa ya kwa sibaka nyana kwani ku yo nga zeñwi . . . kakusasana otatama ha lu funduka, mi se Nili, “Luli ki lizazi lelinde.”

“Eeni, ku cwalo!”

Se nili, “Kubonahalile kuli ne se ku oma.”

“Eeni, ku bile cwalo!”

Se nili, “Kana uzwa kwanu?”

118 Ali, “Kutokwa, Ni zwa kwa Wisconsin,” kamba kusili cwalo. Ali, “Se ni bile kwanu mwendi seli lilimo ze mashumi amabeli, kacwalo Ni sepa kuli ukona kubiza kuli seli hae.”

119 Se nili, “U wa naha ye, Na sepa.” Kacwalo se Nili, “Eeni, sha,” Se nili, “kubonahala kuba se kubile ko kuna ni maluli hahulu.”

120 Ali, “Mwa ziba, sika se sinca luli si ezahalile!” Ali, “Neluna ni piho kuli ne luna ni kuba ni mbundu yetuna, puka yeñata ñata; mi mane ne ikalile, mi ni kufela kapili!”

121 Se nili, “Ha u talusi cwalo,” ni ku kuza cwalo.

122 Mi Na taha kwa hae. Cwale Muzwale Tom na bulelezwi kuli asike aya ka nzila yani, mbundu ne itaha. Mi ki ha taha mwa mushitu wani, asina nihaiba liloteli la pula kamba sika kaufela! Yena usali Mulimu, mwabona, ka kuswana fela sina Mwa kile abela kamita. Mwabona?

123 Na zamaya kwani, Ne ni sweli kuya cwalo. . . Cwale, siemba sani, Ni sepa kuli musala ka hana kuba ni tepu ye. Mwabona? Kono Ni kami bulelela nto yeñwi. Mi, cwale, Hani—Ha ni mi buleleli. . . Ni ka mi bulelela fela Niti, mwabona, mi yani kona nzila mwa kuezeza. Ni bile ni nahana kuli kiñi hana si ka bilaela ka za kuya kwaka ku yo zuma ka nako ya kunyakalala kupuzo ya linyalo la luna. Mwa ziba sene Ni hupuzi mwa munahanó waka? Se nili, “Kuna ni batu babañata mwa ndu. Mi cwale Na kamita, mwa ziba mo Ni inezi, ya ikalelwa. Ni lika zeñwi ze Ni bulelanga, Ni bata kubulela ka za, ki Mulimu, ki Bibebe, kaba nto yeñwi. Mwendi nahana kuli ki pumulo nyana ku yena. Ubile kwahule nina ka mazazi a likani, ku yo zuma.” Ne, ni sweli kunahana ka zona, kuli ni ye ni nosi kwani.

124 Sani, Ni. . . Na, Ni ka inyaza ku yena, mi Ni—Ni kupile Mulimu kuli ani swalele ka minahano ye cwalo. Kakuli, Ne nisweli kuya kwani, Na hupula, “Kihande, u nahana kuli. . . Kihande, haki bunde ni boo! Yena, ki mubeleki, mwa ziba, mi—mi nako kaufela hali mwa situngu kamba kokuñwi fande ku za. . .”

125 Mi ufi wa mina kaufela mwa mu ziba, kuli mushini wa kutapiseza wani ubeleka nako kaufela. Mi kacwalo ne Ni yanga kusili, kipeto Na mu hoha; mi Nili, “Usike wa tapisanga cwalo. Ambola ni na. Mwabona, Na ku lata. Ni bata kuli uni bulelele nto yeñwi; ni bulelele kuli wa ni lata, ni wena.”

126 Mi ali, “Kihande, uziba kuli Na kulata,” mi kipeto wa zwelapili kutapisa katata luli sina kamita.

127 “Hani lati kuli uezange cwalo. Ni bata kuli utahe mwahali mi uine bukaufi nina.”

128 “Oh, Bill, Nina ni musebezi omuñata hahulu wa kueza!”

129 Mi Na hupula kuli, “Kihande, mwabona, kuya fahalimu fani, uba ni nako ya kueza musebezi wa hae.” Na ya cwalo, inge ni nahana ona cwalo.

Cwale, muhupule, Ni beile Bibebe ye fa ili kuli mubone kuli Ni yemo fapila Linzwi.

Sina ha Ni nze ni zamaya cwalo, sesiñwi sa ezahala kuna. Na kalisa. . .

130 Pili, Ne ni sweli kunahana hane Ni mungile kuya kwa papali yapili ya baba sa zo nyalana kwani. Nali yomunde, mwanana, wa milili ye minsu, ili musizana wa meeto a mafubelu, mi Ne ni mu nanula inge ni tulaka bishingwa bye, mwa ziba, ni lika kaufela, ni kulika ku mu pahamisa kwani, kwa sibaka kone Ni bulaile bere nako yeñwi. Mi ne Ni bata ku mubonisa iliñwi, mi kacwalo. . . kone Ni zusize libere ze. Mi na apezi makatulo a ka a mulisana wa likomu. Mi fani seli lilimo ze mashumi amabeli ni zepeli, kamba lilimo ze mashumi amabeli ni silisiñwi; lilimo ze mashumi amabeli ni zepeli, Ni sepa kuli ki cona, za kwa mulaho. Ne lu nyalani ka 1941. Mi ne Ni mu nanuzi, mwa ziba, kutulaka bishingwa bye.

131 Mi Na hupula kuli, “Cwale, mutu wa sanana yani, akone kupila nina, sa fetuhile limbi fela.” Eehe. Na hupula kuli, “Kihande,” mi Na ya. . . [Muzwale Branham wa ikomona fa mumizo—Mu.] Mi ne Ni sika ibeula milili fa mazazi nyana, mi Na funana kuli Ne se ni bile ni limbi, nina! Mi na bona mulelu waka unzo hula omutelele, uli twaa ki limbi fela, mi Na hupula kuli, “Mushimani ya hulile, se u felile fela cwale. Mwabona, wena, uka eza sika kaufela, ki hande u akufe. U so ba ya supala cwale, ni wena.” Mwabona?

132 Mi cwale hane Ni ya cwalo, sesiñwi sa ezahala. Hañi hañi fela, mwa muzamao ufi kaufela, ka mulao, Nenili mushimani, Ne ni nahana sina mushimani. Mi Na inamisa toho yaka fafasi, mi Na talimela mwahalimu. Mi sina ka bunde mo Ni bile ni mu bonela, nayemi fapila ka fani ni mazoho a a hae a otolohile. Mi Na yema; na itiinya mwa meto. Na talimela. Se nili, “Meda, kana ki wena yo, Mulatiwa?”

133 Na talimela fa, Na hupula kuli, “Cwale ki sikamañi se si ezahalile?” Mi Na hupula, “Eeni, Ni zamaya ni Yena.” Se si cinca ona fani, Na kutela kuba muuna muhulu hape, mi pono ya ni siya.

134 Mi Na yema; Na tubula kuwani yaka hape, na ibeya fa pilu yaka. Se nili, “Jesu, pilu yaka ibile ni mutiyo hahulu, mwahala lilimo. Ha ni lukeli ku Ku bulelela kuli Nina ni mutiyo. Ni bakile, Ni bakile, Ni ezize lika kaufela ze Ni ziba. Mi kiñi mutiyo tuna wo ha u sa ni siyi?”

135 Mi Na kala fela ku zamaya ona cwalo. Mi hane Ni nze ni kambama kazulu nyana ka, mwendi libima ze mashumi amalalu, mashumi amane kwapili kuna; Na kala kupahama kazulu kani,

Na kala ku utwa kuba ya fokola luli. Mi nekuna ni noha yene lila kwani, ye likana ni ma inci a lishumi cwalo, ya taha mi ya to ba inge taku ya L, mi nanuha hape. Mi ha Ni yo fita kwani, Na utwa kukatala luli mi ne Ni sweli kutantalia. Kacwalo Na ba fela. . . Na tina kuwani yaka hape. Mi Na wisa fela toho cwana; ya ni kwana hande, ku yo lobaza toho yaka ni kusama fa mboma yani, sina cwana. Ona neli mupolota wa niti. Ne iswana inge, ni kubonahala inge kota, mwa bona. Mi ki. . . Ne ni yendamezi ona fani. Mi Ne ni yemi fani ni toho yaka inge ni inami fafasi, lizazi le li futumala lani inge li ni nata mwa mukokoto. Mi Na nahana kuli, “Yena Mulimu yaswana, ya na kauhanyize pula yani ni moya wani!”

136 Mi Na utwa sesiñwi se si lila kuli, “pat, pat, spat.”

137 Na hupula kuli, “Ki sikamañi seo? Mezi ke a hasiwa mwa halimu. Lizazi li zwile. Ki sikamañi sesi hasize sani?” Na talima fafasi; neli mezi ana zwa mwa meto aka, ana shetumuka kwa mulelu ni ku lotela fa matali ana sa zo omisa Mulimu ani, ene ali fakaufi ni na. Na yema fela fani sina *cwana*, ili kuyendamena fela kwa kota. Lizoho la ka, lizoho le fafasi, toho yaka inge iyendamezi fa kota, lizoho laka *le* inge li inzi mwa maswalelo a tobolo, sina *cwana*, nali kuyema fani, inge ni lila.

138 Se nili, “Mulimu, Ha ni swaneli kuba mutanga Hao.” Mi se Nili, “Na, Ni swabile, Ni—Ni ezize. . . Ni ezize mafosisa amañata. Ne ni sa bati kueza mafosisa, Mulena. Wena ubile yomunde hahulu kuna.”

139 Meto aka inza itimile; mi se Ni utwa sesiñwi se si utwahala kuli, “stomp, stomp; stomp, stomp.”

140 Na inula meto aka, mi handendende fapila ka kwa taha likwalata zetalu. Mi Na hupula kuli, “Ki yani iliñwi ya Muzwale Evans, ya Muzwale Wood. Mi ki zani likwalata zetalu fani, mwabona, kona ze Ni sweli fela kubata.” Cwale, pula ya lisela kunela; Na yo shimba tobolo yaka. Mi nali, “Hani koni kueza cwalo. Ni sepisize Mulimu kuli Hanina kueza sani.” Mwaboa? “Ne ni Mu sepisize kuli Hanina kueza sani.”

141 Mi sesiñwi sali, “Kono ki yani fani!”

142 Mi Na hupula kuli, “Eeni, Sa- . . . Sani kona sa na—sa na bulelezi Davida muuna yomuñwi, nako yeñwi kuli, ‘Mulimu u mu beile, se Nili, mwa mazoho a hao!’” Mwa ziba, Mulena Saule.

143 Mi Joabi amu bulelela, kuli, “Mu bulaye! Ki yani ulobezi mwani!”

144 Mi ki hali, “Mulimu ha tokwi kuli Ni swale mutoziwa wa Hae.”

145 Mi likwalara zani zali kuyema fani inge li ni talimezi. Mi Na hupula kuli, “Halikoni ku mata kusaba. Hakuna mukwa wa kuli li mate lisabe. Haliyo buhule ni na nahaiba ka libima ze mashumi amalalu kuzwa ku na. Mi Na nanula tobolo ye, inge ni yemi fa,

ki ki zani likwalata zetalu fani. Batili, Hani koni ku lieza. Ha—Ha ni koni fela kueza cwalo.” Neli kwalata ya sitole ni za lilpoho zepeli zetuna. Kacwalo Na—Na—Na palelwa fela kunga tobolo yaka. Se nili, “Ha nikoni.” Ne—Ne ni si ka shenya. Na ina fela ona fani. Se nili, “Ha nikoni kueza cwalo, kakuli Ni sepisize Mulimu kuli Hanina kueza cwalo. Niteni, mizwale bani, bona—bona haba tokwi likwalata ze. Mwabon? Ha—Ha nikoni kueza se. Ha nikoni fela kueza cwalo.”

¹⁴⁶ Mi kwalata ya sitole yani ya taha, uya zamaya. Cwale hamu teezele, nekuna ni baana baba mwanda bene ba li kunupa kwani, ka mazazi amane kamba aketalizoho. Ku lisabisa? Sisupo sapili sa bufubelu. . . Mi Ne ni tinile hembe ye fubelu, kuwani ye fubelu. Sisupo sa pili, kipeto za iconga; kono ne li yemi fani, zetalu zani kaufela, inge li ni talimezi.

¹⁴⁷ Se nili, “Mama, shimba limbututu za hao mu ikele mwa mushitu. Mu inzi mwa mazoho aka. Ni. . . Bupilo bwa mina bu mwa mazoho aka, kono Hanina ku mi holofaza. Ni sepisize Mulimu kuli Hanina kueza sika.” Mwabona? Mi ya sutelela bukaufi. Ne isweli ku ni talimela. Kaufela zona za ni sutelela, kufitela hane li ka sutelela fakaufi ne li ka cela mwa mazoho aka, mane. Zona, mi ni moya wakala ku lifukela. Kacwalo ya fetuha, ya zamaya kukuta mwa mulaho hanyinyani, kaufela zona zetalu.

¹⁴⁸ Mi ki yaniya kuta hape, ya taha kuna. Ne ni si ka shenya; na yema fela ona fani. Se nili, “Zamaya ukene mwa mushitu; Na ilata, ni yona. Pila! Mwabona, bupilo bwa hao buinzi mwa mazoho aka, kono Ni ka ku bandusa. U palezwi kumata kusaba. Wa ziba kuli upalezwi.” Nakona kubulaya zetalu za zona kaufela mwa nako ya muzuzu nyana fela, mizuzu nyana yemilalu, ona cwalo, kapili fela mo ne Ni ka kunupela; mi ne lisike zakona ku saba, inze li yemi bukaufi ni na cwalo. Mwabona? Mi se Nili, “Na mi bandusa. Muzwelepili, mupile.” Mi Na yema fani. Za zwelapili ku zamaya cwalo, za ikela mwa mushitu.

¹⁴⁹ Na pukuta kwa sifateho sina *cwana*, mi ona fani sesiñwi sa to ezahala. Linzwi la to bulela, ka kuutwahala hande, lene li zwelela mwa mbyumbyulu yani, kusina nahaiba lilu. Kaufela zeo neli fela mwahala. . . neli fela mwahala nako nyana fela yelikani. Mi Linzwi la bulela, lali, “U hupuzi sepiso ya hao, nji cwani?”

¹⁵⁰ Se nili, “Eehe, Mulena.”

¹⁵¹ Mi ali, “Ni ka hupula sepiso ya Ka, nina. ‘Hanina ku ku tuhela kamba ku ku yaya.’” Mutiyo wa zwa fa pilu yaka. Ha u si kaba mwateni kuzwelela ona fani; mi usike wa kuta ni kamuta.

¹⁵² Mi se Ni taha kwa Tucson. Nto yenca, Ne ni sina zeñata hahulu ze ne ezahala, kuzwa fo Ni tezi kwanu. Na—Na lumela neli Mulimu yana tabela zani mwa hola yani. Ni lumela kuli nako cwale isutelezi fakaufi, kakuli sesiñwi sina ni kuezahala.

¹⁵³ Kambe ne lu ka kona fela kuamuhela Niti ye! Cwale fa nako nyana fela. Kambe fela ne lu ka lemuha se si taluswa ki Liñolo le,

“Yena yali teni ku mina ki youtuna kufita yali teni mwa lifasi.” Halukoni ku utwisisa Sani, ibo lu bulela kuil lwa Si lumela. Mi luziba kuli Ki sa niti, kono kaniti ha lu Si utwisisi.

. . . yomutuna ki yali teni ku mina, kufita yali teni mwa lifasi.

Ki sikamañi se sili ku mina, se situna? Ki Krete, yena Mutoziwa! Mulimu, yani neli Krete, ki yena yali ku mina. “Yomutuna ki Yena yali teni ku mina, kufita yali teni mwa lifasi.”

¹⁵⁴ Mi cwale haiba U ku mina, haisali mina baba pila ni hanyinyani, ki Yena yapila ku mina. Mwabona? Ha ki minahano ya mina, se mukona kunahana ka Se; ki sa Na bulezi ika Se. Mwabona? Konakuli, haiba Yena uteni ku mina, Hana kulatula sa Na bulezi faa. Ha koni kueza cwalo. Kono U ka buluka sa Na bulezi, mi Ulika kufumana mutu Yo akone kuitibaza Iliyena ku yena.

¹⁵⁵ Cwale, sani ha si talusi kuli Una ni ku si eza ku mañi ni mañi. Mwa nako yana lukuluzi Mushe bana ba Isilaele, nekuna ni alimuñwi, yani neli Mushe. Baba siyezi babona ne ba latelezi fela Liñusa. Mwabona? Babañwi ba bona neba likile kuli likanyisa, mi Mulimu ali, “Ikauhanye ili wena,” mi aba mizeleza kaufela bona. Mwabona? Mwabona?

¹⁵⁶ Cwale, kono, “Yena yali teni ku mina ki yomutuna kufita yali teni mwa lifasi,” Mulimu ku mina, sina mwa Na bezi ku Jesu Krete. Kakuli, sana li sona Mulimu kaufela, U si sululezi ku Krete; mi sa na li sona Krete, U si sululezi mwa Keleke. Mwabona, yani ki Mulimu ku mina, “Yena yali teni ku mina.”

¹⁵⁷ Ki kabakaleo mañungwa ni mandinda na Mu utwela, na utwela Manzwi a Hae; na utwela Manzwi a Hae, kakuli Ne li Linzwi la Mulimu ka Yena. Yena nali Mutu; kono Nali Linzwi, le li ezizwe nama. Mwabona? Mi ha Na bulezi, neli Mulimu yana bulela ka milomo ya mutu. Mwabona? Ki kabakaleo mañungwa ni mandinda . . . Yena Mubupi sakata, ya na bupile mañungwa ni mandinda, nali ku Yena. Cwale, mu nahane ka zona! Mu tibise muhupulo cwale, Ni si ka taha kale fa nako ya ku kwala ye. Ki kabakaleo madimona na fela mata ka Linzwi la Hae! Neli Mulimu ku Yena. Neli Mulimu ku Krete. Madimona nasweli kufelelwa ki mata. Ki kabakaleo bafu, bene ba kutela kwa liluli, neba kona fela kuina fani, ka Linzwi la Hae! Kakuli, Nali yena Linzwi.

Na bulezi ku Lazaro, kasamulaho wa kushwa ni kununka, mazazi amane; sifateho sa hae, ngo, ne se li mbobezi kale, mwahala nako ona yani. “Lazaro, zwa mo!” Mi muuna, yana shwile, a yema ka mautu a hae. Kiñi? Ne li Mulimu. Yena yana liteni ku Krete neli Mulimu. Bafu ne ba sakoni kuyema fa Pila Hae. Neli Mulimu ku Krete.

¹⁵⁸ Mañungwa, cwale, muhupule, ki Mulimu yana bupile mañungwa; ki moya. Mulimu ki yena ya bupile mandinda; ki mezi. Kono cwale diabulosi ha to kena ku ona, akala ku a pikulusa, ili kutisa sinyeho. Mulimu ki yena yana abupile, kuba bana ba Mulimu, kono cwale diabulosi ha kena ku ona, mwabona, ki butata. Cwale, yani neli diabulosi yana keni mwa liñungwa yana lumile liñungwa lani. Neisike yaba Mubupi, yana bupile moya, ali, “Kuta kone Ni ku bupezi”?

Kana yani ha ki yena Mubupi yaswana yana yemi fa lilundu la mwa Colorado zazi leliñwi? [Kopano ili, “Amen.”—Mu.] Mwabona?

Kana yani haki yena ya swana ya Na ngile siemba sa tapi ni ku ikomauna, mi sesiñwi sa shoshela fateni hape? Na sa lukeli mane nihaiba kuba ni yona. Na ka bulela fela kihona.

Kana yani ha ki yena Mubupi yaswana yana bupile tumale nji? [Kopano ili, “Amen.”—Mu.] Konakuli, Yena yali teni ku Kreste uinzi ku luna, mwabona, kakuli Si eza misebezi ye swana ni ya Na ezize, ki lika zeswana.

Bafu ne ba sa koni kuyema fa Pila Hae, ka Linzwi la Hae.

¹⁵⁹ Mutalime, luna ni litaba ze lufa matohonolo ze ketalizoho, za batu bene ba “shwile,” ni Mulena inza fa lipono, ni kuya ku bona mane inza ba zusa. U beya alimuñwi, ona fa cwale, yana shwezi ona fa inezi fani. Mi ki yo fa wapila, busihubo; na wile bakeñisa butuku bwa pilu. Kiyani musala hae fani, ki nasi. Ne luile teni; lika kaufela ne lii icongile, meto a hae ali kulutuka, mi inza ile. Ki yo fa, wapila. “Kakuli yomutuna ki Yaliteni mwahali *mo*, ku luna, kufita yena yaliteni mwa lifasi!” Mwabona?

¹⁶⁰ Yomutuna ki Yena! Ki Mulimu, yena Mubupi! Mañungwa ni mandinda na Mu utwela. Madimona na felelwa ki mata. Libupiwa kaufela ne li Mu utwela, kakuli Nali yena Mubupi wa ze bupilwe. Oh, ha lu nahana cwalo, si zusa maikuto amañwi ku luna. Kona kuli lwa utwisisa lika ze, mwa bona. Ki sikamañi seo? Ha ki mutu. Mutu hakoni kuezsa sani; mutu ki siemba sa ze bupilwe. Mwabona? Kono ki mañungwa ni mandinda a utwela Mubupi. Mwabona?

Ni kunga Mubupi kuli aeze cwalo, “Kakuli yena yali teni ku mina ki yomutuna kufita yali teni mwa lifasi.” Yena yakona kuitusisa ziezi, yo ki yena yali mwa lifasi. Yena yali ku mina, ki Mubupi, Yena ya ezize mañungwa. Wakona ku kalimela diabulosi kuzwa mwa liñungwa, mi kwaba ni kukuza. Wakona ku kalimela diabulosi kuzwa mwa liñungwa, mi kipeto kwaba siyo liñungwa. Yena ki Mubupi. “Mi yomutuna ki Yena yali teni ku mina, kufita yena yali mwa lifasi.” Mwabona?

¹⁶¹ Diabulosi ki wa lifasi. Lifasi libile la hae. Libile la hae kamita. “Kiñi ha u wile, Wena Lucifer, mwana wa kakusasana?” Mwabona, lifasi le libile la hae. Fani kona hana, lelekilwe mwa Lihalimu, akutela ku lona. Mwabona?

162 Ki yena yana bulelezi Kreste kuli, “Mibuso ye ki yaka, Ni eza ni yona mo Ni latela.” Ki ya hae, mi ki yena yali “mwa lifasi.”

163 Joani na sa zo bulelela fela balutiwa, “Mu utwile za antikreste yana ni kutaha, mi uteni kale mo wa beleka mwa bana baba lunya. Kono, bana babanyinyani, mina ha mu ba lifasi le. Mu ba Mulimu. Mi yomutuna ki Yena yali teni ku mina, kufita yali teni mwa lifasi.” Yo ki Kreste ku mina!

164 Yena yana—yana bupile lihalimu ni lifasi, aezwa mwa ponahazo ya Mutu wa Jesu Kreste; Mulimu ku Kreste, inza kutisana lipilu ni lifasi ku Yena.

Halu buleleni kuli mu li, “Yani neli Mwana Mulimu, esi, Muzwale Branham.” Ku lukile, ha lu fumaneni haiba Ki wa Kuyakuile, Mulimu wa kamita.

165 Yomutuna ki Yena yana liteni ku Joshua, kufita lizazi. Mi Joshua nail mutu, yana pepilwe ni sibi, sina mina ni Na. Mi yomutuna ki Yena yana li ku Joshua, ni mwa lizazi lene li zamaiswa ka taelo ya Mulimu. Mulimu na laezi lizazi lani kuli li monyehe ni kuli li pikuluhe, mi li busiwa ni ku zamaiswa ka milao ya Mulimu. Kono yomutuna neli Yena yanali ku Joshua, kufita milao ya Mulimu sene ili sona; kakuli Mubupi, Kasibili, nali ku Joshua fani Joshua ha talima mwahalimu kwa lizazi ni kubulela kuli, “U yeme ona foinzi foo. Mi, kweli, u nyendaele ona foinzi foo, kufitela Ni fela ndwa ye.” Mi lizazi ni kweli za mu utwela, kakuli Yena yanali ku Joshua nali yomutuna kufita—kufita lizani ni kweli. Yena yana liteni ku Joshua!

166 Yena yana liteni ku Mushe, nali yomutuna kufita Egepita. Egepita limpi za ze mata za lifasi, neba koma lifasi ka nako yani. Kono yomutuna neli Yana liteni ku Mushe, kufita Egepita mo inezi, kakuli Mushe na komile Egepita. Yomutuna neli Yena yanali ku Mushe, kufita nihaiba pupo kasibili. Kana mukile mwa nahana fateni kuli Mulimu akile anga Linzwi la Hae ni ku Li fa Mushe, mi ali, “Zwela kwani mi ulaele kuli lizazi lisike la benya”? Mi lizazi la unsufala sina sileze! Kana ki niti yeo? Wakona kueza lizazi kuli limonyehe ni ku kasha kwateni malu, kamba Wakona ku unsufalisa lizazi kuba lelinsu. Yena ki Mulimu; Wakona kueza kaufela Sa bata kueza, mi U fumaneha ku mwana ya lumela! Amen. Ki cona cwalo.

167 Nekusina nihaiba nda yene bonahala. Mwendu hakulata neli nako ya maliha, hakubangi linda, kono Mulimu ali ku Mushe, “Zamaya u yobulela Manzwi a Ka, mi Ni ka beya mwa munahano wa hao sa kubulela. Mi uzwele kwani mi uñwate mubu fande, mi u nepele mwa halimu, liluli.”

168 Mi ali, “Ha kube linda!” mi linda za kala ku zamaya mwendi ma inci amañata cwalo mwa butuki, fa mubu kai kaufela, mwa liholo ze likani. Kana ki cwalo? Ki Mubupi!

169 Ne kusina nihaiba simbotwe, kacwalo a otolola mulamu wa hae ni kubulela kuli, “Ha ku be limbotwe!” mi ziba kai ni kai

kaufela, za ata ka buñata, kufitela naha kaufela ya kala fela kununka. Kana ku cwalo?

¹⁷⁰ Ha taha kwa Liwate Lelifubelu mi ne lili mwa nzila ya hae, Mulimu ali, “Bulela kwa liwate.” Mi Mushe abulela kwa liwate; mi yomutuna ki Yena yana liteni ku Mushe, kufita liwate kasibili. Kana ku cwalo? Oh, mawi! Cwale, mwa bona, yomutuna ki Yena yana liteni ku Mushe, kufita yena yali teni mwa lifasi. Yomutuna ki Yena yana liteni ku Mushe, kufita sibupywa sifi kaufela sesili teni mwa lifasi. Na laezi pupo. Ku sa na mubulelezi kaufela Mulimu kuli a si bulele, a si bulela, mi ona cwalo kona mo ne si bezi.

¹⁷¹ Yena Mulimu yaswana yani una ni luna busihu bo! Isiñi fela kuba ni luna, kono ku luna! Na pakile kuli Nali ku luna. “Yomutuna ki Yena yali teni ku mina, kufita yali teni mwa lifasi.” Ki sikamañi se lu saba, ki lifasi nji?

¹⁷² Kwanu zazi leliñwi neba fumani inge—inge liino la folofolo ye bizwa dainosa, kwanu bukaufi ni... Ni sepa kuli mina kaufela ne mu utwile ka zona; neli kwanu kwa Sibuba sa Niagara. Ali, “Ne lina ni bukiti bobu likana lipaundi ze silezi.” Ni hupula kuli ne ba bulezi kuli nelizwa ku mutu, kono Ni—Ni sepa kuli ne ba ti lo li toloka kuli neli zwile kwa folofolo ye kile yapila kale kale koo. Lifolofolo zani likile zapila fela hañwi mwa lifasi. Li kai cwale?

Kana mwa ziba, Mulimu Yamata kaufela hana ka laea ma dainosa kuli atahe mwa lifasi, mwa hola yetatama za kaba limaili ze mashumi amane mwa butungi? Mwa ziba, Mulimu wakona kusinya lifasi le ka linda? Na bizize linda. Ki kai ko liyanga ha li shwa? Ki sikamañi se si ezahalanga kwa nzinzi? Ki sikamañi se si ezahalanga kwa mbimba? Nako ya maliha haitaha, mi kwa bata kuya mwatasa noto; mi, ni kuya ka maliha atatama, limbimba kai ni kai libaka kaufela. Ki kai kone li zwelela? Ki Mubupi ya bulela lika mi za ba teni! Yena ki Mulimu! Ze bupilwe li utwela Linzwi la Hae.

¹⁷³ Ko buñata bwa mizwale ya luna haba tabelanga, ba kala kutabela kuli Mulimu ubulezi sa kuli, mi ba bulela kuli KISONA SA BULELA MULENA kanti mane ha ki sona. Kona libaka ha li sa ezahangi.

Kono cwale haiba ki Mulimu luli ya ku bulelela, sina ni ku ezahala, sina ni kuba ka nzila ona yeo. Mwabona? Mi Mulimu ha li bulela, lina ni kuba ona cwalo.

¹⁷⁴ Yomutuna ki Yena yana liteni ku Mushe, kufita yana li mwa Egepita. Yomutuna ki Yena yana liteni ku Mushe, kufita sika kaufela sa na eza Faro, ona mabibo a hae kaufela. Yomutuna neli Yena yana liteni ku Mushe, kufita yena yana liteni ku ba mabibo. Mwabona? Yomutuna neli Yena yana liteni ku Mushe, kufita zebupilwe kaufela.

¹⁷⁵ Yomutuna! Yena yana liteni ku Daniele neli yomutuna kufita yana liteni mwa litau. Na konile kutuhelisa litau ze ne lapile zani. Kona kuli kaufela se si kona kutuhelisa sika kaufela, ki sesituna kufita sa tuhelisa. Kacwalo litau za zwa mwateni, inge li shwile tala, kuli lice Daniele; mi yomutuna ki Yena yana liteni ku Daniele, kufita yana liteni mwa litau.

¹⁷⁶ Cwale, tau hane ibupilwe pili, ne isabanga mutu. Ki diabulosi ya tisa kuli i ezange cwalo. Yeo ki niti. Mwa puso ya Mileniamu, sitongwani ni ngu lika fula hamoho, mi tau ika fula bucwani sina komu, mi li ka buta hamoho ni komu. Halina ku holofaza kamba ku sinyu mwa Mileniamu. Diabulosi ukabe aile. Ki diabulosi ya eza kuli lifolofolo za mushitu li pazaule ni kuñwalula ni kuca, ni lika ze cwalo, ka mo liezezanga. Ki Satani yatisa zeo. Kono yomutuna ki Yena yana liteni ku Daniele, kufita yana liteni mwa litau. Mwabona? Yomutuna ki Yena yana liteni ku mupolofita, kufita yana liteni mwa tau.

¹⁷⁷ Yomutuna ki Yena yana liteni mwa bana ba Siheberu, yomutuna ki Yena yana liteni ku bona, kufita yena yana liteni mwa mulilo. Kakuli neba nepezwi mwa mulilo; mi Yena yana liteni kubona, nali ni bona, mi ahanisa mulilo kuli usike wa ba cisa fani ondo haitukiswa ha sebene hahulu kufita mo ne itukisezwanga sapili, kucisa mucisezo. Kana ki cwalo? Yomutuna neli Yena yana liteni ni bana ba Siheberu, kufita yana liteni mwa lifasi.

¹⁷⁸ Nekuna ni Nebukadinezare fani, kamba Belteshazare. Nebukadinezare, Ni sepa kuli neli yena, ki yena yana tukisize ondo yani ha sebene kufita mone icisezanga sapili. Na susumelizwe ki diabulosi, kuli ange batu bani, kakuli ne ba yemela Linzwi la Mulimu; mi a ba nepela mwa ondo ye, yene cisize ha sebene kufita mone ibelanga sapili, kono mane ya tokwa nihaiba ku ba cisa. Kakuli yomutuna neli Yena yana liteni ku Shadreki, Misheki, ni Abedinego, kufita yena yana liteni mwa lifasi. Kaniti! Oh, mawi!

¹⁷⁹ Yomutuna neli Yena yana liteni ku Elia, kufita yana liteni mwa lialimu leli cisa lani, kakuli na nelisize pula kuzwa mwa lialimu le li cisa inge sipi lani yene si ka nela ka lilimo zetalu ni likweli ze silezi.

Yomutuna ki Yena yana liteni ku Elia, kufita lifu. Kakuli, hane se ibile nako yakuli a shwe, Mulimu abona mupolofita wa kale yani, ya na katezi. Na sweli ku omanyu Jezabele ni mipende ya hae kaufela ni lika zenca zani, mi na sa katezi, kacwalo Na si ka mu lumeleza nihaiba kuya kwa ndu, sina mwa Na ezelize ku Enoke. A luma koloi mi ya to mu nanula, ni ku mu isa kwa Hae. Yomutuna ki Yena yana liteni ku Elia, kufita yena yana liteni mwa Jerusalema ni mwa Judea, ni mwa malundu. Yomutuna ki Yena yana liteni ku Elia, kufita lifu kasibili. Yomutuna ki Yena yana liteni ku Elia, kufita libita; kakuli na bandukile libita,

na bandukile lifu, kono aikela kwa Hae mwa koloi. Mwabona, yomutuna ki Yena, mi Yena yo ki yena ya nali ku Elia.

¹⁸⁰ Mu li, “Oh, kihande, yani neli muuna yomutuna.”

¹⁸¹ Mulibelele fa muzuzu! Bibeles ibulezi kuli, “Neli muuna yana ni maikuto aswana ni a luna,” inge mina ni Na. yeo ki niti. Kono ha na lapezi, a lumela kuli na amuhela sa na lapelela; sa na bulezi Jesu ku luna kuli, “Ha mu lapela, mu lumela kuli muka amuhela se mu kupa, li ka ezahala.” A lapela ka tundamo kuli isike ya nela mane yatokwa kunela ka lilimo zetalu ni likweli ze silezi. Mwabona? Yomutuna ki Yena yana liteni ku Elia, kufita ku ze bupilwe.

¹⁸² Cwale kucwani ka kufolisa bakuli? Mwabona? Yomutuna ki Yena yali teni ku mina, kufita matuku. Mwabona? Kakuli, zeo ki ze lyanganisa, kulyanganisa ona mulao wa Mulimu luli, matuku a cwalo. Kihande, yali “yomutuna” ki Yena yali teni ku Mina, yena Mufolisi ni Mubupi, kufita ya—kufita yali diabulosi ya lyanganisize tukiso ya bupilo bwa mina. “Yomutuna ki Yena yaliteni ku mina, kufita yaliteni mwa lifasi.” Mwabona?

Yomutuna ki Yena yana liteni ku Elia! Yomutuna neli Yena yana liteni ku Isaya, kufita nako sene ili sona; kamba yomuñwi kaufela wa bapolofita bani, kakuli ne ba boni kufitelela nako. Mwabona?

¹⁸³ Yomutuna ki Yena yanaliteni ku Jobo, mane kufita ni likokwani za mwa mubili, ni lifu ni libita. Kakuli, ka pono abona kutaha kwa Mulena, mi ali, “Muliululi wa ka wapila, mi ka lizazi la mafelelezo Uka yema mwa lifasi; mane ni ha likokwani za mubili li ka sinye mubili wo, ibo ona mwa mubili wo Ni ka bona Mulimu.” Mwabona? Yomutuna ki Yena yanaliteni ku Jobo, kufita lifu; yomutuna, kakuli lifu ne li lika ku munga kono la palelwa. Ne li palezwi kupeta cwalo, kakuli na bulezi kuli, “Ni ka zuha hape,” mi a zuha. Na zuhile.

¹⁸⁴ Muteeleze, kambe luna ni nako ya kukena ku zeo. Kono Ni bata kubuza puzo ye, yene Ni utwile ha ibulelwa zazi leliñwi, ka za, “Kreste ku mina.”

Cwale, musike—musike mwa lemala ka ku sepa mwa lika ze muezize; kuli, “Ni utwile fateni kunjanja. Ni—Ni—Ni bulezi ka malimi. Ni—Ni binezi mwa moya.” Hakuna sa kunyaza ka zeo, cwale. Zeo kaufela ki zende, mwabona, zeo, kono musike mwa yendamena ku zeo. Mwabona?

Bupilo bwa mina buna ni kuba *Se*. [Muzwale Branham unata Bibeles ya hae—Mu.] *Se* ki Sona. Wena ni *Se* muna ni kuba alimuñwi, mwabona, mi cwale *Se* si ka iponalalisa ili Sona. Mwabona?

¹⁸⁵ Cwale kucwani haiba—kucwani haiba busihu bo nemuka bulela cwana, ka pilu yamina kaufela, kuli moya wa Shakespeare no pila ku mina, kuli Shakespeare na pila ku mina? Mwa ziba

ze ne mu kaeza? Nemuka eza misebezi ya Shakespeare. Ne mu ka i eza. Ne mu ka i eza. Ne mu ka panga litoko ni—ni lipapali, ni zeñwi cwalo, kakuli Shakespeare ki yena yanali sikwala se si cwalo, muñoli yomutuna, muñoli wa litoko. Cwale, haiba Shakespeare na pila ku mina, misebezi ya Shakespeare ne mu ka ieza. Kana ki niti yeo?

¹⁸⁶ Kucwani haiba Beethoven na pila ku mina? Kucwani haiba Beethoven na pila ku mina? Mwa ziba se ne muka eza? Ne muka ñola lipila inge Beethoven, yanali muñoli yomutuna. Ne mu ka ñola lipina inge Beethoven, kakuli bupilo bwa Beethoven nebukaba bupilo bwa mina. Nemukaba mina Beethoven, ya zuhezi mwa mubili wa mina, hape. Haiba Beethoven na ka pila ku mina, misebezi ya Beethoven ne mu ka ieza, kakuli Beethoven na pila ku mina. Kana ki niti yeo?

¹⁸⁷ Kono Yena yaliteni ku mina ki Kreste! Mi haiba Kreste uteni ku mina, misebezi ya Kreste mu ka ieza, haiba Kreste upila ku mina. Na bulezi cwalo. Muhalalehi Joani 14:12, “Ya lumela ku Na, misebezi ye Ni eza u ka ieza ni yena,” haiba nemuli ku Kreste, kamba haiba Kreste na pila ku mina. Konakuli, Kreste ki Linzwi. Kana ki niti yeo? Mi Linzwi li tahanga kwa bapolofita ba Hae. Mwabona? Mi haiba, mina, Kreste na pila ku mina, misebezi ya Kreste ne i ka ezahala ku mina, Bupilo bwa Kreste ne bu ka pila ku mina. Misebezi ya Na ezize, ni bupilo bwa Na pilile, ni lika kaufela, ne li ka pila ku mina; kuswana fela inge haiba Shakespeare, Beethoven, kamba—kamba ki mañi kaufela ya na ka pila ku mina.

¹⁸⁸ Haiba Bupilo bwa Hae! Kono u sa ipilela bupilo bwa hao fela, kona kuli misebezi ya hao fela kona yo ka eza. Mwabona? Kono haiba mupila Bupilo bwa Kreste, haiba ki Kreste yali ku mina, “Yena yaliteni ku mina ki yomutuna kufita yaliteni mwa lifasi.” Haiba kukakanya kwa mina ni kufilikana ka lisepiso za Mulimu liteni ku mina, konakuli Kreste ha yo mwateni; mwabona, mu ikezeza zeo mina bañi. Kono haiba Bupilo, haiba Kreste upila ku mina, Linzwi la Hae Uka li kuteka ni sepiso ya Hae Uka ipeta. Mwabona? Uka i eza.

¹⁸⁹ “Mi ha mulapela, mu lumela kuli muka amuhela ze mukupa, mi li ka fiwa ku mina. Haiba mu bulela kwa lilundu leo kuli, ‘Shimbuluka,’ mi mu sa kakanyi mwa pilu ya mina, kono mulumela kuli ze mukupile lika ezahala, mu ka ba ni ze mubulezi. Ndate wa beleka, mi Na beleka nina cwalo. Ka niti, niti, Ni li ku mina, Mwana ha ezi sika ka yena Anosi; kono Sa bona Ndate aeza, kona sa eza ni Mwana ona cwalo.” Mwabona? Mi cwale Ndate hana Mu bonisa sa kueza; azwela kwande kwani kusina nihaiba kupalelwa sika, mi ali, “Hakube sakuli,” mi sa ba teni.

Mi yena Kreste yaswana yani upila ku mina. Za pila ku luna. Konakuli misebezi ya Hae lu ka ieza, kakuli Kreste ki Linzwi, mi

sepiso ya Linzwi itisa foliso ku mina. Kana mwa lumela cwalo? [Kopano ili, “Amen.”—Mu.] Luli!

¹⁹⁰ Na bulezi kuli, “Hanina ku mi siya kusina mutiisa pilu.” Sina ha Ni lapela, ni buzize fa nako nyana, mwani mwa Mateu 24, mwabona, kamba Mateu 28:20. Mwabona? Na ize, “Ni ka taha ku mina, ni be ku mina. Na,” ki Mutu, Kreste, mwa mufuta wa Moya o Kenile, “ni ka taha ni to pila ku mina. Kona kuli hamuna kuba mina munosi—hamuna kuba mina munosi nihanyinyani. Ni kaba ku mina. Mi yomutuna ki Yena yaliteni ku mina, kufita yaliteni mwa lifasi.” Mwabona? Maheberu 13:8 ili, “Ki yaswana, maabani ni kuyakuile.”

¹⁹¹ Yena yanaliteni ku Nuwe neli yomutuna kufita katulo ya mezi.

Mi Yena yaliteni kumina ki yomutuna kufita katulo ya mulilo. Mwabona? Yena yaliteni ku mina ki yomutuna, kakuli Na lifile katulo ni ku mi komela katulo. Mwabona? Hakusana sabo ka yona. Mwabona, muteni mwahali mwani. Eeni.

Yomutuna ki Yena yana liteni ku Nuwe, kufita yena yana liteni mwa katulo ya mezi, ana yundisize lifasi lene li si ka lumela. Kakuli, Nuwe na lumela. Mi yomutuna ki Yena yana liteni ku yena, yo Na lumela ku yena, kufita yena yana liteni mwa lifasi. Kuli, Nuwe na bandukile katulo kaufela, kakuli Linzwi la Mulimu neli lelituna kufita zani, mi a nanula katulo yani.

“Yomutuna!” Mone luka inelela fa nto yeo fa nako nyana! Mwabona?

¹⁹² Yomutuna ki Yena yana liteni ku Davida, kufita bere yene mu uzwelize ngu ya hae. Yomutuna ki Yena yana liteni ku Davida, kufita tau yene tilo nga iliŋwi ya lingu za hae. Yomutuna ki Yena yana liteni ku Davida, kufita sila, Goliati. Mufilisita yomutuna yana yemi fani, yo mutelele, ka liŋokolwa ze twelufu kamba zefotini, ni minwana ye mitelele ka mainci a fotini; ni lilumo lelituna le li shengile sina ndonga; inza tinile kuapesa mubili kaufela ka mainci amabeli kamba amalalu, a sipi ye tiile, ya kopa. Kono sene sili ku Davida neli se situna kufita sene sili ku yena.

Nali yena mata, mata. Nali mulwani ya kwanile. Na kona, na bulezi kuli na ka nanulela Davida kwa mafelelezo a lilumo la hae mwahalimu, ni kuli oinyunywani li mu fepe.

¹⁹³ Mi Davida ali, “U ni katanyeza sina Mufilisita, ka libizo la Mufilisita. U ni kuta ka libizo la mulimu wa Mufilisita.” Mi ali, “U bulezi zo ka eza. Mi u ni katanyeza ni silwaniso ni lilumo. Kono Na ni ku katanyeza ka Libizo la Mulena Mulimu, mi kacenu Ni ka puma toho ya hao kwa maheta a hao.” Mi aeza ona cwalo, kakuli yomutuna ki Yena yana sweli kususumeza Davida kufita kuba ni bundume bwani.

¹⁹⁴ Yomutuna ki Yena yaliteni ku mina, kufita sipula sa mawili seo. Yomutuna ki Yena yaliteni ku mina, kufita mulamu wo. Yomutuna ki Yena yaliteni ku mina, kufita kansa yeo. Yomutuna ki Yena yaliteni ku mina, kufita manyando ao. Yomutuna ki Yena, kufita sika kaufela se siliteni sakona ku beya ku mina diabulosi. “Yomutuna ki Yena yaliteni ku mina, kufita yena yaliteni mwa lifasi.” Yomutuna ki Yena! Eeni!

Yomutuna neli Davida, sene sili ku Davida; Mulimu ku Davida.

¹⁹⁵ Yena uteni ku luna, yani, ki Kreste. Nali yena mukomi wa sila kaufela, sa luna. Ha Nali fa lifasi fa, Na komile sibi, Na komile butuku, Na komile lifu, Na komile lihele, Na komile libita, mi cwale Upila ku luna kakuba Mukomi! Na komile matuku, lihele, lifu, libita, mi ataha ku luna ku to lu lukulula kwa lika ze kaufela. Mi yomutuna ki Yena yaliteni ku mina, kufita yena yakona kubeya litaba zesina tuso ze ku mina. Eeni! “Yomutuna ki Yena yaliteni ku mina, kufita yaliteni mwa lifasi.”

¹⁹⁶ Cwalo kona limakazo mo li ezahalelanga. Cwalo kona mo ne li kuzelize liñungwa lani, zazi leliñwi. Kana mutu wa butu fela wakona kueza cwalo? Batili, sha, ha ku konahali. Hane Ni yemi kwani, inge ni lila, mi moya wani inge usweli kufuka zangana, mi . . .

Ki babakai babali mwahali mo, bene baliteni kwani? Halu boneni mu nanule mazoho a mina. Mu nanule mazoho a mina mwa halimu, mañi ni mañi naliteni kwani, neli kwani mwa Colorado mi ka—ka nako yani. Ku lukile. Muzwale Fred, Na sepa, ki yena fela yanali teni, nako yani. Ne ni hupula kuli mwendi Muzwale Mann uteni mo, kono u . . . Muzwale, Muzwale Evans, na siyo nji? Muzwale Evans naliteni ni yena kulo kwani ka nako yani. Eehe. Ku lukile. Mi, eehe.

¹⁹⁷ Mulemuhe. Kana yeo ha ki niti? Kana cwalo ha ki cona mone ku ezahalezi nji? Pula ne itilo tuhela fela, mi moya wa liseli kufuka. Neli sikamañi sani? Ka linzwi laka nji? Batili! Kakuli Na ni bulelezi kuli nieze cwalo. Mi yomutuna ki Yena yaliteni ku luna, kufita yaliteni mwa taho. Kana yani hakiyena Mulimu yaswana sina yana kuzisize mandina fa liwate, yana kutiselize liñungwa kwa sibaka sa lona? Kana Yani ha ki yena Ya swana yana unsufalize lizazi, ni ku eza kuli lizazi li monyehe? Kihande, “Yomutuna ki Yena yaliteni ku mina, kufita yaliteni mwa lifasi.” Mwabona? Ku lukile.

¹⁹⁸ Cwale ki kabakaleo limakazo za niti ze ha li ezahalanga, kakuli ki sepiso ya Mulimu, “Lika ze Ni eza, muka li eza ni mina.” Muhalalehi Joani 14:12. Yena, Kreste, yana kuzisize liñungwa ni mandinda, ki yena Mubupi wa zona. Usali Mubupi yaswana fela sina mwa Na inezi nako yani. Yena waswana maabani, kacenu, ni kuyakuile.

Na folisa bakuli ni ku sinya sibi, ni ku licinca kaufela bakeñisa mina, ni kutaha ku mina kuli Akone kupila ku mina. Na komile ze kaufela, kutaha ku to pila ku luna. Ki yena Mukomi ya komile kale lika ze; u li pakile mwa Mañolo, akuta mi akone lika kaufela, ni kupaka ku mina ku li Yena ki Mulimu yaswana. Mi kasamulaho wa myaha ye mianda ye naintini, ki yo U sa eza lika zeswana mwahala luna za Na ezize nako yani, ki yena yana komilr lifu, lihele, matuku, ni libita!

¹⁹⁹ Yo ki Kreste, yo “Yena,” Yena ki Yena yaliteni ku mina. Yena ki Kreste. Sina Joani hana ize, “Yena yaliteni ku min ki yomutuna kufita yaliteni mwa lifasi.” Yani neli Kreste! Ki yena yomutuna kufita lifasi kaufela kakuli Na komile lifasi, mi ki yomutuna, kufita lika zani kaufela, kakuli Na lu komezi zona. “Mi lufita bakomi ka Yena ya lu latile mi Aitoboha bakeñisa luna,” kuli Akone kutaha akute ku to eza misebezi ya hae ka luna, ku to paka kuluna kuli ki Ya swana maabani, kacenu, ni kuyakuile.

Fani ha Nali fa lifasi, Na bonisize fani ha Na yemi mwahala sicaba, Nali yena Mesia. Na kona kulemuha milelo ya mwa lipilu zabona. Mi Bibeles ibulela kuli, Mushe nabulezi, kuli, “Ukaba mupolofita.” Kana ki niti yeo? Na zibile likunutu za lipilu. Na zibile sicaba mone sibezi. Na zibile sene si fosahalile ku bona. Kana lu boni seo ha si ezahala? [Kopano ili “Amen.”—Mu.] Nako ni nako!

²⁰⁰ Lu ziba kuli bafu se ba zusizwe, kuzwa kwa bafu. Babañwi ba ku bona ne se ba shwile lizazi mutumbi ni hafu. Kihande, kushwa kakusasana omuñwi, ni ku u kutisa busihu bwani, ni kuzamaya busihu kaufela; mi lizazi lelitatama mwendi mwa musihali, kamba hase ili musihali nyana, za taha kone kuna ni tende. Mbututu yomunyinyani yana timezi, mwa silami, inza lobezi mwa mazoho a bomahe. Mi Mulena Mulimu amu kutisa, abulela Linzwi la Bupilo, mi mbututu yani a futumalelwa ni kukalisa kulila; ni ku mu kutiseza mwa mazoho a bomahe.

²⁰¹ Musala bo Stadklev, inza yemi fani habona sani ha si ezahala, kona hana lilezi mbututu wa hae, na bata kuli ni fufele kwa Germany. Kono Mulena ali, “Lani ki lizoho la Ka; usike wa kalimela sani.” Mwabona, mwa ziba hande.

Ha Na bulelezi Mushe, kuli, “Bulela kwa licwe,” usike wa nata fateni. Sani ne sitalusa “kubulela,” usike wa nata, mwabona. Mu lukula ku utwela Sa bulela kuli mueze. “Kono hakuna mutu yakona kuezwa sina ka yena anosi fela,” una ni kuutwa ku Mulimu.

²⁰² Cwale Linzwi la Mulimu li sepisize kuli Wa pila. Mi, kakuli Wa pila, ni mina mwa pila. Na sepisize, kuli, “Misebezi ye Ni eza muka ieza ni mina. Ki lika zeswana, fela ki mwa buñata bwa zona, kona ze muka eza, kakuli Ni ya ku Ndate.” Na komile lika kaufela. Ki Yena yana tuhelimize. . .

Ki Yena yana bupile tumale twani. Zani ne li ezahalile habeli. Ne li ezahalile lwapili kwa sibaka sa hao kwani, Charlie. Mi se li to ezahala—se li to ezahala kwanu fani, mizwale, Muzwale Fred ni Muzwale Banks ni babañwi hane bali ni luna kafani.

²⁰³ Ne ku ezahalile mwa Germany, fani baloi baba lishumi ka ba ba ketalizoho bani, kafa ni kafa bukaufi nina, bali . . . Kakuli Billy ni Muzwale Arganbright ne ba sa ba lumelezi—kuli ba ni bone, se bali, “Kihande, lu ka fukiseza tende yani kusili.” Mi baina fafasi fani, ni kuloka ni kuzhima, ni kubiza milimu ya bona, yena diabulosi, mi ki ha sa taha ni liñungwa. Mwendu likiti ze mashumi amalalu, likiti ze mashumi amalalu za ma German kwani, mi tende yani neisweli fela kuanuha mwahalimu ni fafasi ona *cwana*.

Bona, mi ni kupuma, ba nga sikele ni kupuma lifufa, ni ku lisupa kwa mulaho *cwalo*. Ni kupeta zabona, ku fita mwa litaba za kulaula ni kuloka zani, ni kubulela manzwi amalalu a kenile oba bulelanga kuli, “Ndate, Mwana, Moya o Kenile; lu-lu-lu-lu-lu-lu-lu! Ndate, Mwana, Moya o Kenile; lu-lu-lu!”

²⁰⁴ Inge ba tundanisa ona cwalo, mi cwale liñungwa la taha. Luli. “Yena ki mulena wa mata a mwa mbyumbyulu,” Satani. Mi se ba biza liñungwa. Mi, cwale, mane nihaiba tende yetuna yani yene beilwe kwande kwani ona cwalo, oh mawi, neikona ku kwahela munzi omutuna cwalo; mi ya tomiwa, neitomilwe ka misumo yemibeli ka yemine, mi neli fela penti yene beilwe fateni. Moya no keni mwatasa yona mi ni ku inanula, ona *cwalo*. Mi moya wani, ni mamonyi nasweli kubenya ona cwalo, Ne ni sweli fela kukutaza.

²⁰⁵ Mi, oh, neba sweli fela kukena mwa kuloka kwa litaba zetuna, ka kutundamena ona cwalo, kubulela manzwi a kenile amanyinyani ani kuli, “Ki manzwi amatuna a pahami: Ndate, Mwana, ni Moya o Kenile,” kwa maneku amabeli kaufela sina cwalo. Mi se Ni mubona ha kubama, inze ni potolohilwe ki bo diabulosi kwani, kono ne ni si ka tamwa.

²⁰⁶ Mi se Nili ku Muzwale Lowster, “Usike wa toloka se.”

²⁰⁷ Se nili, “Muzwale Arganbright, lapela fela.”

²⁰⁸ Se nili, “Mulena Mulimu, Mubupi wa Lihalimu nilifasi, U ni lumile kwanu. Ni tomile lihutu laka fa mubu wa German wo, ka Libizo la Jesu Kreste, kakulil ki Wena yani lumile kwanu. Lilu lani halina mata fahalimwa ka. Halina mata, kakuli Ni tozizwe mi ni lumilwe kwanu kwa puluso ya sicaba se.”

“Na ku laela, ka Libizo la Jesu, kuli uzwe fa.”

²⁰⁹ Mi mishika, yakala kuluma, “Bang! Bang! Bang!” Ya utwahala kuli, “Grrrrrrrrr,” ya lila cwalo, mi ona fahalimwa tende fani, ya kutiswa; mi lizazi la monyeha.

²¹⁰ Mwahala mizuzu yelishumi fela, nekuna ni mwendi baba likiti ze lishumi bene bali fa katala ni kokuñwi, inze ba huwa

kukupu sishemo, ka kubona mata a Mulimu. Kiñi? “Yomutuna ki yena yaliteni ku mina, kufita yaliteni mwa lifasi.” Mwabona?

²¹¹ “Yomutuna ki Yena yaliteni ku mina, kufita yaliteni mwa lifasi.” Mwabona manyando mwa lika zeo, oh, muzwale, kezeli, haluna pilaelo ni yekana. Butuna ki bwa Mulimu, mi Yena yaliteni ku mina. Kana mwa lumela cwalo? [Kopano ili, “Amen.”—Mu.]

²¹² Cwale Ni se niile kwahule mwahala nako. Seli mizuzu ye lishumi ka iketalizoho, cwalo, kasumulaho wa naini. Mi Ni ziba kuli sicaba se sina ni kuzamaya misipili yemitelele ka limota.

Halu inamiseni litoho zaluna fa nako nyana.

²¹³ O Mulimu Ndate, Wena wa ziba hande za Colorado. U ziba kuli lika zani ki za niti. Mi Ni bulela cwalo kwa kanya ya Hao, kuli sicaba sikone kuziba. Kasumulaho wa kunakisisa kwa sayansi kwani kaufela, kwa maswaniso, ni kwa misebezi ya Moya o Kenile. Mi, Mulena, Wena uziba kuli Na. . . kuli Ni tatuluzi patalaza kwa sicaba, mi kamita ni ezanga cwalo, kuli bakeñisa kuli U li sepisize. Mi Uteni mo, unzo lika kufumana yomuñwi mo Ukona ku itibahaleza teni wena Kasibili, ili kuli babañwi ba bone kuli Wa pila, mi Uya swana maabani, kacenu, ni kuyakuile. Na Ku lapela, Mulena, kuli ube ni makeke, ni ku lu zamaisa ni ku lu etelela mwa minahano yaluna.

²¹⁴ Kuna ni baba liteni mwahali mo baba kula ni baba ziyelehile. Kuna ni mwendi babakona kushwa ha ba sa amuheli tuso kuzwa ku Wena. Buñata bwa bona, mwendi, bainzi kwa mafelelezo a nzila, ko ma dokota haba sa kona kutusa ni hanyinyani. Ki wena Mulimu, mi U yaswana maabani, kacenu, ni kuyakuile. Mi pata ya Kubateni kwa Hao iteni mo.

²¹⁵ Mi, Mulena, ha lu zibi kuli Kuhoha kwa Bulalu kwa ki nto mañi, sina halubile lu Li biza cwalo, seo likaba. Ha ni zibi kuli ki sikamañi. Kono lu zina nto iliñwi, kuli Kuhoha kwa Pili neli kupetahala. Kuhoha kwa Bubeli, kakuba ketalizoho kuli, ki muhau.

Mi, Mulimu, Ni lapela busihu bo kuli U ipatulule ili Wena ku luna, kuli kasumulaho wa lika ze, ubulela kuli, “Yena yaliteni ku mina!” Mi Ubulezi kuli, “Misebezi ye Ni eza muka ieza ni mina,” mi wa bulela kuli hakuna so No eza konji Ndate a Ku bonisa sona.

²¹⁶ Milu boni so No ezize ha No bulelezi Muapositola Pitrosi yo nali yena, ni kuli libizo la ndatahe neli lifi. Wa bulelela Natanaele tumo ya hae sene ili sona, mwa na tezi kwani, ni kwainzi asika taha kale fani, sa na ezize. Wa bulelela musali, fa siliba, ka libi za hae ni sa nali sona, yana pila mwa boozwa bwani ni baana baba silezi; nabile ni ba ketalizoho sapili, mi yana pila ni yena cwale ne si muuna hae. Wena usali Mulimu ya swana. No bulezi. . .

217 Neli bubofu bwa Bartimeasi, sina ha na yemi fani; kono niteni, mwa pilu ya hae, nana ni meeto, kuli na ka bona; kuli, haiba yani neli Jehova yana bonahezi mwa Bwana bwa Jesu Kreste, kuli Na ka ziba kulila kwa hae. Mi a huwa kuli, “Wena Mwana Davida, uni utwele butuku!” Mi la Ku yemisa, mane Wa sikuluha ni ku mu folisa, O Ndate, wa mu bulelela kuli tumelo ya hae ne imupilimize.

218 Musali yomunyinyani wa mweya yani, yana fita mwa butata bwa mali bwani ni kucinca kwa bupilo, mi ka lilimo zeñata ne bu sa liseli. Na sa felize masheleñi a hae kaufela kwa ba alafi, kono hakuna ni yomukana wa bona yana mu tusize. Ataha ku ulimuñwi wa mikopano ya Hao fani ha No bulela ni muuna kwa—kwa Galilea, ha No li mwa musipili wa Hao kuya kwa ndu ya Jairasi. Musali yomunyinyani yo abulela mwa pilu ya hae, kusina Liñolo lene li yemela za na hupuzi ali, “Haiba Ni kona fela kuswala sapalo sa Hae, Na—Na lumela kuli Ni ka foliswa.” Mi a amuhela takazo ya hae ha na ti lo swala sapalo sa Hao. Mi Wa mu bulelela kuli tumelo ya hae kona yene mu ezelize sani, wa tatulula sa na bata, mi a foliswa.

219 Lu bulelelwa mwa Linzwi kuli Wena u Muprisita Yomutuna, ya inzi kwa Lihalimu, yapila kamita unzo lukupela kwateni. Mi—mi hape kuli Wena, kakuba Muprisita Yomutuna, ka nako ye, wakona ku swaliwa ka maikuto a matuku a luna. Mulena Mulimu, lumeleza kuli mutu kaufela mwahali mo busihu bo akone ku...ba ni kolo ya ku Ku swala busihu bo, wena Muprisita Yomutuna, mi a foliswe. Kwa Kanya ya Mulimu, Ni kupa ka Libizo la Jesu. Amen.

220 Cwale, Ha ni . . . Kana kuna ni makadi a litapelo nji? Ni—Ni bulelezi Billy kuli asike . . . kana kuna ni yana ni kadi ya tapelo? Ku lukile, yeo ki niti, Ni mu bulelezi kuli asike afa. Ne ni hupula kuli mwendi Ni ka liyeha nyana, sina mo Ni . . . oh, Ni bulelanga hahulu. Kono, mutalime, mwabona, mi mu ni bulelezi kuli, hane Ni bulela kuli, “Ni ka lika kuzwa ka eiti seti,” ne mu sehile, mi Na—Na ziba kuli ne muziba zene mubulela. Na—Na ni . . . kono Na—Na mi lata. Mwabona?

221 Sikamañi, ki sikamañi se Ni lika kueza, Ni likile kamita nto ye, balikani; kwali kuba nihaiba alimuñwi wa ku bulela kuli, “Muzwale Branham uezize cwana.” Muzwale Branham hakoni kueza sika. Mwabona? Ki Jesu Kreste. Mi Yena yaliteni kuna uteni ni ku mina. Mu lukela fela kulumela. Kana kana ki niti yeo? Mwabona? Yena yaliteni ku mina ki yomutuna kufita butuku bwa mina.

222 Cwale ki batu babakai mwahali mo baba kula mwa mibili yabona, baba sa ni zibi, kono mu lumela kuli muna ni tumelo yekona kuswala Muprisita Yomuhulu, mu nanule lizoho la mina, muli, “Na lumela cwalo”? Ku lukile. Oh, bateni kai ni kai, ki ao mazoho. Ku lukile. Ki baba kai mwahali mo baba ni ziba, mi

mu ziba kuli hakuna se Ni ziba ka ze mutokwile, kono mubata kuli Mulimu ami swale? Mu nanule mazoho a mina. Mwabona? Mwabona? Ku lukile.

²²³ Ka kusepahala, hakuna nihaiba alimuñwi mwahali mo yo Ni ziba za hae, ka yona nako ye cwana, ka kukula. Kono mushimani yo yainzi fa, Na mu ziba. Ni mu lapelezi, linako zeñata. Ha ni sa hupula libizo la hae, kono uzwelela kwa Kentucky. Wa ni ñolelanga ka nako kaufela, ki mulikani luli wa Muzwale ni Kezeli Wood ni babañwi, mi uyanga kwani. Mi u sa bile mwa mukopano fa nako yetelele, telele luli. Yani ki yena fela mutu anosi yo Ni ziba.

²²⁴ Cwale, Muzwale Dauch, kuya ka mo Ni zibela, u iketile, ku si cwalo na sike kuba mwahali mo. Na li ya kula hahulu zazi leliñwi, mi Mulena amu folisa.

²²⁵ Ha ni mu zibi mutu yo. Mi ha Ni zibi kuli kimañi yana ni milamu ya kuzamaela ye fa; mwendi ki mutu yani mwa sipula. Ha—Na ni zibi.

Mi Na—Na ziba buñata bwa mina. Kono Mulimu mwa Lihalimu wa ziba, ka nako ye, Na hani zibi se mubata. Hanina mulelo ka sona. Ki nto yetata nyana mwa tabernakele mo, kakuli, mwabona, Ni ziba batu babañata.

²²⁶ Cwale ki se fa mo siinezi. Ha mutaha kwa sibaka . . . Cwale, Ni tahana kwanu, linako zeñwi, mi Ni li, “Ku lukile, lu kafa mañi ni mañi kadi ya tapelo ni ku ba beya mwa mukoloko. Ba tahe kwa katala.” Yomuñwi uka ikela kusili . . . Cwale hamukoni ku . . .

Cwale, balikani, Ni ka kwalula pilu yaka ni ku mi bulelela nto yeñwi. Hamukoni kupata sani. Ona cwalo fela ze mu nahana, Na li ziba. Yeo ki niti. Na ziba ze mu nahana. Mwabona? Mi fokuñwi mu bulela kuli, “Muzwale, Na lumela.” Kiñi, kihande, mwa lumela kufita fa licika leliñwi. Mwabona? Mwabona? Na ziba.

²²⁷ Mi ona fa, ha Ni, ona fa cwana, tozo isweli kutaha fa halimwa ka, mwa bona. Mi Na utwa fela ona ku kasha kwani, cwalo, inge ya natiwa, mwabona, ki mabote azwelela kwa libaka zeshutana. Mwabona?

Kono cwale musike—musike mwatokwa ku lumela. Mulumele Liñusa kaufela. Mulumele Seo. Haiba ha ku cwalo, haiba ha li si ka ñolwa mwa Bibebe, kona kuli musike mwa li lumela. Kono haiba Liteni mwa Bibebe, konakuli Moya o Kenile o pila ku luna una ni musebezi wa kupeta ze lu lumela fo ki haiba lwa Li lumela. Kana ki niti yeo? [Kopano ili, “Amen.”—Mu.]

Na ziba ku tata. Mwabona, hakuna ze tahanga ka bunolo.

²²⁸ Nekuli tata kuli Ashwe, kuli se si tahiswe ku mina. Nekuli tata kuli Aye kwa Kalvari; Na bata kuitulela, kuli mane A lila, “Kusike kwa eza tato Ya Ka, kono tato ya Hao iezahale.” Mwabona? Mwabona? Ha lati ku zamaya; Nali Mutangana wa

mucaha, mi Nana ni mizwale ba habo Yena. Na ba lata sina mo Ni mi latela. Kono Na—Na sa koni kupila, ni bona bapile hape, kacwalo Ashwa kuli luna lupile. Yani ne si nto yebunolo. Nana ni kueza cwalo. Mutalime mufuta wa lifu ono beilwe fapila Hae, “Ndate, nako itile, mi kana Ni lapele kuli U zwise sinwelo se ku Na? Batili.” Na sa lati kueza cwalo; Na bata tato ya Mulimu ku ezahala.

²²⁹ Cwale, mutalime, haiba mu lumela nto yeswana yeo! Cwale, musike—musike—musike mwa beya fateni kukakanya Fo, nihaiba hanyinyani. Mu lumela fela. Ki kulumela fela ka kufelelela. Musike mwa kakanya. Mu lumela cwalo.

²³⁰ Haiba Ni tisa sicaba mwa mukoloko wa kulapelewla, mi Ni bulela kuli, “Ku lukile, cwale mutu yo, u ziba kuli ha ni kuziba.”

²³¹ “Batili, yeo ki niti, Muzwale Branham.”

²³² Mi ona fani muka lemuha yomuñwi ya bulela kuli, “Uhuhuh, kono usweli kubala se si ñozwi fa kadi ya tapelo yani! Kuakaleza!” Zeo luli li ka ezahala.

²³³ Konakuli Ni ka li, “Ku lukile, cwale la Sunda le haluna ku fa makadi a litapelo. Ni bata kuli mañi ni mañi mo, yali muenyi, ya samba kuba abe mwahali mo fateni, mu yeme.” Mwabona? Mi—mi Moya o Kenile uka fetuha ni kulemuha se sili ku yena. Mwabona? Kana ki niti yeo? [Kopano ili, “Amen.”—Mu.] Mwa libona ka mikwa yemibeli kaufela.

²³⁴ “Oh, kihande, kuna ni se si fosahalile ni seo.” Mwabona? Mwabona? Foo, foo hakuna mukwa, ha—ha—ha mukoni. . . Mwabona, haibile fela Satani wkaona kuba ni siemba, uka mi eza fela kuli mulumele sika kaufela.

Mi uka mi bonisa bufokoli kaufela bo Ni nani, mi Nina ni yemiñata luli wakona ku mi bonisa. Musike mwa talimela ku seo! Musike mwa talimela ku seo. Na ni mutu. Mwabona? Kono, muhupule, Linzwi la Mulimu le kona Niti, mi Ni lika kupila ka Yona.

²³⁵ Haiba Ni zwela kwande mi ni kala kueza lika ka mafosisa, ze si ka luka, kueza sibi, ni kunwa, mi, kamba kuzuba, kamba—kamba kueza lika ze si ka luka, mina—mina mutahe mu to ni inisa fafasi, kakuli zeo—zeo ha liswaneli. Ni—Ni bata kusiya lifasi ka nako yeo. Ha ni lati. . . Ni bata kuya zeo li si ka ezahala kale. Mwabona? Hani lati kueza cwalo.

²³⁶ Kono haibile fela Ni lika kupila ka kuluka ni kueza ze lukile, mwabona, ni kulika kupila sina Mukreste mwa kona kubela, mi kipeto mutuhele Mulimu ange Linzwi la Hae mi mu ni utwe inge ni yema ka Lona. Ni ha Li ka ni kambusa kwa balikani babañata ni kabubo ka lifasi, ni lika ze cwalo, ni kutoiwa ki babañata, ni likopano, ku lelekwa, kono niteni Ni bata kuba wa niti kwa Linzwi le. Ki Linzwi la Mulimu, mi Na lata Mulimu. Kacwalo ki Linzwi la Mulimu, mi Ni—Ni mi bulelela kuli, “Yena wa swana

maabani, kacenu, ni kuyakuile,” mi Uteni ku luna cwale. Mi haiba uka. . .

²³⁷ Cwale, haiba bupilo bwa Shakespeare buteni kuna, bupila kuna, haiba Shakespeare na pila kuna, kikuli ne Ni si ke naeza misebezi ya Shakespeare nji? Haiba Beethoven uteni kuna, kikuli ne Ni si ke naeza misebezi ya Beethoven? Haiba bupilo bwa Dillinger nebuli kuna, haiba John Dillinger na pila kuna, kikuli ne Ni si ke naba John Dillinger? Haiba Beethoven nali kuna, Ni si ke naba Beethoven? Mwabona? Haiba Castro nali kuna, ni si ke naba Castro? Mwabona?

Mi haiba Jesu Kreste uteni ku na, misebezi ya Hae Ni ka ieza, kakuli ifumaneha ku Yena. Mi kana Na si ka bulela kuli ona nto yeswana yani ika ezahala? Mwabona? [Kopano ili, “Amen.”—Mu.]

²³⁸ Cwale ki sikamañi sa Na kaeza haiba Na ka yema fa, haiba ki Yaswana maabani, kacenu, ni kuyakuile? U bulela kuli, “Ni kona fela kueza seo Ndate a Ni bonisa.” Kana ki niti yeo? Kihande, cwalo kona mwa Na ezelize maabani.

Cwale kana Wa swana nji? Kucwani he ka matuku? Teko ya Hao ise ilifilwe kale. Mañi ni mañi wa mina se mu folisizwe kale kwa matuku a mina. Kana ki nti yeo? [Kopano ili, “Amen.”—Mu.] Ka seo. . . Mañi ni mañi wa mina mu swalezwi, kono muna mi ku li amuhela. Mañi ni mañi wa mina u folisizwe, kono muna ni ku li amuhela.

²³⁹ Cwale, ka kupaka kuli Yena waswana maabani, kacenu, ni kuyakuile. Haiba Na ka yema fa, Na si ke a mi folisa, ni hanyinyani, ka ku salumela kwa mina. Mu lukela ku li lumela, ki nto yeswana fela sina mo mu kona ku li lumela ona fa cwana. I lukela kuba nto yeswana, mwabona. “Kakuli, Na si ka eza misebezi yemiñata mwa lizazi la Hae, bakeñisa ku sa lumela kwa bona.” Yeo ki niti kana? Misebezi yemiñata Hakoni kuieza kacenu, bakeñisa ku sa lumela.

²⁴⁰ Cwale, Kimañi yana kona kubulela ka zeo lisika ezahala *kale*? Mulimu. Kimañi yana bulezi *zeo*? Mulimu. Kimañi yana ezeze *zani*? Mulimu. Kimañi yana bulezi ka za bere, kwalata, kokomu, ona lika zeñwi ze kaufela, ni ze sebene. . . kaufela—kaufela lika ze ezahalile ze? Kimañi yana li bulezi? Yena, Kreste, yaliteni ku luna, inza polofita Iliyena mwahala luna, inza ipatulula Iliyena kuli ki Yaswana maabani, kacenu, ni kuyakuile.

Kimañi yana yemisize liñungwa? Kimañi yana bupile tumale? Ki yena Yaswana ya Na bupezi Abrahamama totolo, fani hana. . . Mu bizize kuli “Jehova-jaire.” Mabizo a na ni litaluso zeñata ze sa toloka Yena. Yena usali Jehova-jaire, “ili Mulena yakona kuipatela Sitabelo sa Hae.”

²⁴¹ Cwale, mañi ni mañi wa mina, Ni—Ni bata butungi bwa kusepahala kwa mina cwale. Haiba mukona fela kulumela ka

lipuli za mina za mina, hakuna kuba mutu ya fokola mwahala luna, ka nako yeo waci yani haikaba ka mizuzu yeketalizoho yemiñwi. Hakukoni kuba mutu ni yomukana kono kaufela bona baka yema ka mautu, kihande, haiba mu ka lumela fela. Kana mwakona kulumela?

²⁴² Cwale halu boneñi fela cwale haiba Uka taha ku luna mi a Ipatulule ku luna, halunze luinamisa litho zaluna.

²⁴³ Mulena Jesu, cwale U ni tuse. Mi Ni ka Ku utwela, Mulena, kaudfela mo Ni zibela mwa kuezeza. U swalele libi zaka nilifoso. Na lapela ka Libizo la Jesu. Amen.

²⁴⁴ Cwale halungeni siemba se, yomuñwi mwahali mo. Ulumele, mube ni tumelo, musike mwa kakanya! Mutu ya sa ni zibi, haiba ku konahala. Ha Ni koni kubulela koiya pono. Ni lukela fela ku I talima. Mi haiba I eza ona cwalo, konankuli mwa ziba, kamba ki ya niti kamba nee. Mu lumela fela, mi musike mwa kakanya. Haiba Uka eza, kana mu ka lumela, mwabona, kasamulaho wa ze ezahalile kacenu ze? Mwaboan? Mu amuhele fela foliso ya mina, mwabona. Muli, “Mulena, Ni swala Jesu Kreste fa cwale. Na lumela.” Cwale Mulimu wa Lihalimu alumeleze apete zeo.

²⁴⁵ “Yomutuna ki Yena yaliteni ku mina, Kreste, kufita yaliteni mwa lifasi.” Cwale, mwa mukopano, ko lu Mu sweli, Wa itibahaza Iliyena kukutela ku mina; sina musali yana sweli Mulimu, ka Kreste, ni ku monyehela kutokwa kwa hae.

²⁴⁶ Na bona cwale mwa lilulu le kwanu, ku bonahala inge muuna, ki ya kula ha butuku. Batili, ha ki cwalo. Ki musali yasweli kulapelela muuna, mi muuna yani ha ayo mo. Kono ki musali. Ni bona kuli musali yani. . . Ki bo—bo ndatahe, mi ba shwa bakeñisa kansa. Mi bakula ha butuku luli. Muuna yani ha ayo mo. U inzi mwa sibaka sisili. Ha ki mwa naha ye, mane. Ki, mwa Georgia mwa inzi.

Zwelapili fela kulapela. Wa lumela ka pilu ya hao kaufela cwale? [Kopano ili, “Amen.”—Mu.] Zwelapili fela kulapela, mwabona.

Libizo la musali, ya lapela, ki musala Bo Jordan. Yena ha zwi kwa Georgia. Yena uzwelela kwa North Carolina. Haiba yeo ki niti, kalibe, aku yeme. Luli, kaufela ki niti. [Kezeli uli, “Ni itumela ku Mulimu! Ni itumela ku Mulimu!”—Mu.] Kana no sweli kulapelela zeo? [“Eeni, sha; ki bondate.”] Ku lukile. Ku lukile. [Kezeli uzwelapili kubulela zeñwi kuama ni bondatahe.]

Kana wa lumela, kuli, “Yena yaliteni ku wena ki yomutuna kufita yaliteni mwa lifasi”? [Kezeli uli, “Na lumela.”—Mu.] Kana ulumela kuli Yena yali. . .

²⁴⁷ Talima, ki ye nto yeñwi. Ubile ni ku eza lipapali zetiisa mubili kwa bwanana bwa hao, kamba nto yecwalo, kakuli ku bonahala kuli u lyangani kamba nto yeñwi cwalo ya Mukreste. . . Kana bo ndataho ha ki bakutazi, kamba nto yeñwi

cwalo, babañwi ba habo wena, kamba ze cwalo? [Kezeli uli, “Bo muuna ka.”—Mu.] Bo muuna hao, ki bona. Ni bona mutu ya yemi bukaufi ni wena, yasweli kukutaza Evangeli, mi noli mwa keleke. Na tamahani ku wena. [“Ku lumbwe Mulena!”] Ku lukile, ki fo he cwale.

Cwale, kalibe yo ha Ni mu zibi, kono Mulimu wa mu ziba musali yo.

²⁴⁸ Cwale, kana una ni sesiñwi mwa pokoto nyana ya hao, kataulo cwalo kamba nto yeñwi mwateni? Ku lukile, konakuli u be- . . . Hauka yo ina, ubeye mazoho ahao fa kasila kataulo kao, mi usike wa kakanya, mi Yena yaliteni ku wena ki yomutuna kufita yena ya bulaya bo ndataho. U lumela ka pilu ya hao kaufela, kona mo ku ka bela haunzo lumela.

²⁴⁹ Cwale, Ni bata ku mi buza nto yeñwi. Ha ni muzibi musali yani. Kuya ka mo Ni zibela, yani kona nako yapili, Na sepa, ha Ni kile na mu bona fateni. Kono uinzi fani mwa buino bobu bilaeza, wa lapela. Mi yena Mulimu yaswana yana fetuhile ni kubulelela musali yani ka butata bwa hae bwa mali, ki Mulimu yaswana yaliteni fa, kubonisa kuli Yena yaliteni ku mina u komile lifasi. Mwa lumela? [Kopano ili, “Amen.”—Mu.] Haiba mukona fela kuba ni tumelo, musike mwa kakanya.

²⁵⁰ Kubulelela ka za kansa, Ni bona muluti omunsu wani hape. U fahalimwa musali, yainzi ona *fani*. Una ni kansa ya fa mumizo, mi umwa buino bo bumaswe. Kono u lapelezwi, mi ulika ku amuhela foliso ya hae. Musala bo Burton, haiba uka lumela! Ha ni muzibi musali yani. Kono haiba uka lumela ka pilu ya hao kaufela. . . . Luli, taba yateni. . . .

Tuhela ni tatulue taba ye ku wena, so sweli kulika kueza. U silezi linzwi, ka yona, mi ulika ku lapelela linzwi la hao kuli likute. Kana ki niti yeo? Nyanganyisa lizoho la hao sina *cwana*. Cwale, musali yo ki muenyi ku na. Ha ni mu zibi. Mu muboni? Yeo ki niti. Ki yani, ki yani fale. Mwabona? “Yomutuna ki Yena yaliteni ku mina, ili tumelo yekona ku Mu swala, kufita yena yaliteni mwa mumizo wa hao.”

Mwa lumela ka lipilu za mina kaufela? [Kopano ili, “Amen.”—Mu.]

²⁵¹ Kezeli Larsen, Na ku ziba. Ki muña ndu mo ni pila. Kono, Kezeli Larsen, ubile ku dokota kamba nto yeñwi, nto ye cwalo. U libelezi ku yo pazuliwa. Yeo ki niti. Nji ha ki cwalo? Yomutuna ki Yena yaliteni ku wena, Kezeli Larsen, kufita yena yaliteni mwa lifasi. Jesu naize, “Ne nili muenyi, mi mwa Ni nopa. Ona mo mu ezelize ku babanyinyani bao, babanyinyani ba Ka, mu ezelize Na zeo.”

O Ndate yakwa Lihalimu, ube ni makeke!

²⁵² Ki sikamañi so nahana? U libelezi kuya kwa kupazuliwa, ni wena. U muenyi ku na. Kana ku cwalo? [Kezeli uli, “Eeni.”—Mu.]

Ha uzweleli kwanu. ["Na ku ziba, kono wena ha u ni zibi."] Wa ni ziba, kono Na hani ku zibi. ["Ha u ni zibi."] Kono Mulimu wa ku ziba. Wa lumela cwalo? ["Eeni, Na lumela."] U libelezi ku yo pazuliwa. Ha u pili kwanu. U fa kaufi ni Bedford, Springville, nto yeswana sina cwalo . . . Kwani kona ko liinzi zeo, Springville. Musala bo Burton . . . Batili, batili, u Ni swalele, Ne ni sa talusi cwalo. Musala bo Parker, kona libizo la hao. Nji cwani? Yomutuna ki Yena yaliteni ku wena, kufita yalika ku ku bulaya. Kana ku cwalo? Kikuli ulumela ka pilu ya hao kaufela? Konakuli hauna kutokwa ku yo pazuliwa he, haiba u lumela.

²⁵³ U nahana sikamañi ka lika ze kaufela, kezeli? Na hani ku zibi. U muenyi kuna. Kana u ni lumela kuli ni mupolofita wa Hae? [Kezeli uli, "Na lumela cwalo."—Mu.] Wa lumela. Ni itumezi. Mulimu uka kuteka seo. Ki wena musala Bo White. U zwelela kwa Fort Worth, Texas. Una ni butuku bwa kuopa mwa misinga ya mata a mubili, ki buino bobu ku bilaeza luli. U kulile ha butuku. Hakuna sepo ku wena, kuya ka sayansi ya za milyani mo izibela. Muuna hao, u tokwa tuso ya moya yasweli kulapepela. Una ni mwana wa mushimani fani, una ni butata ni mukokoto wa hae, ni butata bwa pilu. Una ni mushimani yomunyinyani fa mautu ahae. Mushimani nyana yani una ni mubulelelo osweli ku lapelisa. Haiba yeo ki niti, nanula lizoho la hao. [Muuna hae ubulela kuli, "Yeo ki niti. Kona ze lutokwa."]

"Yomutuna ki yena yaliteni ku mina, kufita yaliteni mwa lifasi." Kana mwa lumela cwalo? [Kopano ili, "Amen."—Mu.] Ka lipilu zamina kaufela? ["Amen."] Ka yona kaufela? ["Amen."]

Cwale halu inamiseni litoho za luna.

²⁵⁴ Cwale U fitile mwahala muyaho. U pakile ku mina kuli ki Yena Mulimu. "Yomutuna, ki Yena yaliteni ku mina, kufita yena yaliteni mwa lifasi." Ki yena Mulena Mulimu. Cwale, Yena yaliteni ku mina, abe Yena ya ba ni kubusa. Abe Yena ya bulela lika kaufela za—za zeo mina . . .

Mu bulela mwa pilu ya mina cwale, haiba mwa kona, ka lipilu ya mina kaufela, mi mwa lumela, "Matuku anali mwa mubili waka a zwile." Mwabona? "Ha ni sana matuku ni hanyinyani. Ha ni sana matuku ni hanyinyani. Yena yaliteni kuna ki yomutuna kufita yaliteni mwa mubili waka. Yena yaliteni mwa pilu yaka ki yomutuna kufita yaliteni mwa nama ya ka. Kabakaleo, yena yaliteni mwa pilu yaka ki yena ya bupile mahalimu ni lifasi. Nama yaka ibile ye tampakani ka Satani, mi Ni tempele ya Moya o Kenile mo apila. Kabakaleo, Satani, Na ku laela kuli uzwe mwa mubili waka. Ka Libizo la Jesu Kreste, zwa ku na." Mwabona? Mwa lumela cwalo nji? [Kopano ili, "Amen."—Mu.]

Cwale kaufela luna ha lu lapeleni mwa linzila za luna cwale, mañi ni mañi, ha Ni nze ni mi lapelela.

255 Mulimu Yamata kaufela, Mubupi wa mahalimu ni lifasi, Mukalisi wa bupilo, Musinuli wa likunutu za lipilu, No bulezi kuli, “Linzwi la Mulimu li buhali kufita mukwale o lozizwe kafa ni kafa, mane li Lemuha mihupulo ni maikuto a mwa toho.”

256 Leo kona libaka, Linzwi hane li ezizwe nama, Ne li zibile zene ba nahana, kuya ka mwa Na lemuhela milelo ya bona. Nali yena Linzwi, mi Linzwi ne li ziba likunutu za lipilu zabona.

Mi Linzwi lani isali Linzwi leliswana. Mi busihu bo lwa Li bona ha Li ipatulula lona liñi ku luna, kasamulaho wa myaha ye likiti zepeli, kakuli Na Li ñozi fa pampili mi uteni mo kuli a pake, inza li bonisa, kuli Ki niti.

257 Fa kuna ni litaulo ze beilwe fateni. Batu baba kula bainzi kai ni kai. Ni lapela kuli Moya o Kenile ona o liteni, o bonisanga lika ze, o lu bulelelanga lika ze, mi o sa palelwi, kono konji ze lukile fela, hakuna nahaiba nako iliñwi fo U kile wa palelwa, kakuli Ki Mulimu. Habe Yeba ya toza litaulo ze ka Kubateni kwa Hae, mi afolise mutu ya kula kaufela yo lika beiwa ku yena. Mi Mulimu Yakona kupila, kasamulaho wa myaha ye likiti zepeli, mi ukona kuikeza Iliyena kukena mwa lipilu za baezalibi baba liuluzwi ka sishemo ni ka tumelo, mi wakona kubulela Manzwi a Hae Tota ka milomo ya libupiwa za batu, ni kulibona ha li ezahala ona cwalo hande sina mwa Na sepiselize.

258 O Mulena Mulimu, Ni ku Kupa kuli ube ni makeke luna. Mi cwale muuna ufi kaufela ni musali yaliteni mo, yana ni mufuta kaufela wa ziyezi; mi sina Mushe hana ikenyize ili yan mwa pakani, kwa sicaba, busihu boo Ni beya pilu yaka fapila Hao, Mulena. Mi ni ka tumelo kaufela ye Ni nani, yeli ku Wena, yeo U ni file, Ni ifa ku bona. Sina Pitrosi hana bulezi cwalo fa munyako o bizwa Omunde, “Ona se Ni nani, kona se Ni fa ku wena. Ka Libizo la Jesu Kreste wa Nazareta, yema u zamaye.” Mi muuna yani nali sihole mi—mi nali ya fokola fa nak nyana, kono, hane ba mu swala, masapo a hae a mwa lingongo a amuhela mata. Mi ki ha kena mwa Ndu ya Mulimu, inza cuñuta, ni kulumba ni kufuyola Mulimu.

259 Wena u ya swana maabani, kacenu, ni kuyakuile. Mi muapositola wa Hae naize, “Zeo Ni nani, Na kufa zona.” Neli tumelo. Mi Ni li: ona ze Ni nani, Ni lifa kwa sicaba se! Ka Libizo la Jesu Kreste wa Nazareta, ni hanyeza matuku amina, kakuli yomutuna ki Yena yaliteni ku mina, kufita ya sweli kulika ku nga bupilo bwa mina. Mina mu bana ba Mulimu. Mu baba liuluzwi.

260 Ni laela Satani yani kuli asiye sicaba se. Mi yena Mulimu yana kashelize kwahule liñungwa lani zazi leliñwi, yena Mulimu yana ezize mañungwa ni mandinda ku kuza, cwale Ha bone kuli butuku kaufela bwa zwiswa fa sicaba, ni mata a Kreste a bonahalile mwa bupilo bwa bona ka hola ye. Mi cwale muezalibi ufi kaufela abake. Mi mutu ufi kaufela, ya siyo bukaufi bukaufi

ni Wena, abe ya yemi hande ka hola ye. Mi hakube cwalo, ka Libizo la Jesu Kreste.

²⁶¹ Na, kakuba mulisana wa mina, muzwale wa mina, ni mufuta wa tumelo ye Ni nani, Ni kupile Mulimu kuli aibeye ku mina. Ni lumela kuli Ni ka amuhela se Ni kupile. Cwale haiba muka lumela hamoho ni na; ka tumelo kaufela yeo Ninani, Na mi fa yona ka hola ye.

Mi cwale, ka Libizo la Jesu Kreste, yena Mwana Mulimu, amu hanele matuku amina, makulano a mina, mi mu abulelele kuli, “U na ni ku zwa,” kakuli muna ni tumelo yamina, kubeya fateni ni tumelo yaka, ni mata a Jesu Kreste, Yo kubatani kwahae kwa kamita kuteni mo ku to nyakisisa ni kupaka kuli Uteni mo, uka mi eza kuba baba iketile ka nako ye.

²⁶² Kana wa lumela cwalo, kalibe, ya lobezi fa kaseme? [Kezeli uli, “Yeo ki niti.”—Mu.] Nahaiba mata a hao akona kuba sehabiza, kuli ki a sclerosis ni lika zeñwi, wakona kuzamaya haiba ulika. Aku yeme, ka Libizo la Jesu Kreste. Amu tuse kafo. Ki yani fani wa zamaya. Kana ha mu lumela nji? Mina baba siyezi, amu yeme. Masapo a lingongo za hae a amuhezi mata.

Cwale halu nanuleni mazoho a luna lu Mufe milumbeko.

²⁶³ Mulimu Jehova Yomutuna, ka Libizo la Jesu Kreste, lu ipeya ku Wena kwa foliso. Amen.



YENA YALI TEŃI KU MINA LOZ63-1110E
(He That Is In You)

Liñusa le ka Muzwale William Marrion Branham ne li kutalizwe lwa pili mwa Sikuwa la Sunda manzibwana, Njimwana 10, 1963, ili fa Branham Tabernacle mwa Jeffersonville, Indiana, U.S.A., liingilwe kuzwa fa tepu ya magesi ya manzwi kusina ku zusa sika mwateni ku ya Sikuwa. Toloko ye ya mwa Silozi i hatizizwe ni kuhasanyiwa ki ba Voice Of God Recordings.

LOZI

©2019 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Kreste. Buka ye hailekiswi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa mashelēni ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org